



Kirchenordnung, Wie es mit der Lehr vnd Ceremonien, in der Graffschafft Hanaw, vnd Herrschafft Lichtenberg, sol gehalten werden.

<https://hdl.handle.net/1874/427824>

Kirchenordnung/

3

Wie es mit der Lehr vnd
Ceremonien / in der Graffschafft Sa-
naw / vnd Herrschafft Richtenberg /
sol gehalten werden.



ANNO M. D. LXXIII.

Handwritten text at the top of the page, possibly a title or header, which is mostly illegible due to fading and bleed-through.

Several lines of handwritten text, likely bleed-through from the reverse side of the page, appearing in a reddish-brown color.



Handwritten text at the bottom of the page, possibly a signature or date, which is mostly illegible due to fading and bleed-through.



DIE Philips Graff zu
 Hanaw/ vnd Herz zu Liech-
 tenberg/ etc. der Elter/ Ent-
 bieten allen vnd jeden vnsern
 Pfarherren/ Predigern/ vnd
 Kirchendienern/ vnser gnad
 vnd alles güts / vnd fügen
 euch zu wissen/ Nach dem der
 Allmechtig gürtig Gott / zu diser letzten zeit / auß be-
 sondern gnaden/ vnd one zweifel / vieler Menschen
 herzlichem verlangen/ sein heiliges vnd allein selig-
 machendes Wort/ widerumb an den tag kommen
 lassen / das wir bald zu anfang vnserer Regierung
 dahin getrachtet / wie wir sampt vnsern geliebten
 Vnterthanen/ welchen vns vnser Herrgot nicht al-
 lein zeitlicher wolhart halben/ sondern viel mehr die
 seligkeit zubefürdern / fürgesetzt / solches höchsten
 guts auch theilhaftig möchten werden / vnd nach
 dem vnser Herrgot sein gnad verliehen / das Euang-
 gelium predigen/ auch die heiligen Sacramenta rei-
 chen lassen/ vñ vmb mehrer richtigkeit vnd einigkeit
 willen/ vns zu der Cölnischen Kirchenordnung be-
 geben. Demnach aber gemelte Kirchenordnung sehr
 weitlenffig/ vnd in vnsern Kirchen allerley mengel/
 vnordnung vnd vngleichheit gespürt / vnd seither
 durch den Durchleuchtigen / Hochgebornen Für-

Vorrede.

sten vnd Herrn / Herren Christoffeln Hertzogen zu
Württemberg/etc. hochlöblicher gedechtnus/ ein für
zere Kirchenordnung verfasst/ vnd in truck gege
ben / welcher hernachmals die benachpaurte Für
sten vnd Herren zugefallen / So haben wir sampt
vnsern geliebten Sohn dem Wolgebornen Philip
sen Grassen zu Hanauw / vnd Herrn zu Liechten
berg / etc. dem Jüngern/hinsurt alle ergerliche vnd
gefehrliche spaltung / ab denen wir ein besonders
missfallen tragē/züuerhüten/bevorab aber die schäd
liche vnordnung vnd vngleichheit in der Kirchen ab
zūstellen/ vnd ein Christlich / ordentlich / auch Gott
wolgefellig wesen anzurichten/dise/der selben Würt
tembergischen Kirchenordnung in den fürnemsten
puncten gleichförmig machen/vnd in truck verferti
gen lassen wollen. Vnd ist demnach an euch alle/vnd
an einen jeden in sonderheit/vnser gnedigs gesinnē/
auch ernstlicher befehl vnd begeren/jr wöllet solche
vnser Kirchenordnung annehmen / vnd alle ewer
Predig vnd Kirchenämpter der selben gemess für
vnd anrichten/auch euch sonst eines gottsforchtigē/
ehlichen/eingezognen lebens vnd wandels besleis
sen/damit jr ewer selbs seligkeit fördert/vnd andern
leuten/bevorab ewern Pfarckindern vnd Zuhörern/
gut Exempel geben. Das wollen wir/ beneben das
wir vnsern Amtleuten / Schultheffen vnd Bez
richts

Vorrede.

nichts Personen/ an allen orten befehl thun wöllen/
fleißig achtung zühaben / damit dise Kirchenord-
nung gleichförmig gehalten werde / vns gegen euch
allen/vnd jeden gantzlich versehen/Vnd jr thut dar-
an vnsern ernstlichen willen vnd meinung. Datum
Buchsweller den j. Septemb. Als man zalt von
Christi vnseres Herren vnd Erlösers Ge-
burt / fünffzehen hundert sieben-
zig vnd zwey
Jar.

Vorrede.



Nur allen Göttlichen wercken/
so dem Menschlichen Geschlecht zu
guten geschehen/ist das höchst vnd für-
nemest/die Predig des Euangelij/vnd
die Sacramenta/Dann in disen Got-
tes gnad vnd Barmhertzigkeit / Item
der Seelen seligkeit angeboten / vnd
warhafftig mitgeteilt/ Derwege auch
vnser lieber Herrgott gemelte Predig
im Alten Testament durch die lieben Patriarchen vnd Prophe-
ten/im Newen aber/durch seinen Sohn selber/ Item / die Apo-
stel/vnd folgents durch die lieben Väter/Ambrosium/Augusti-
num/vnd dergleichen / reichlichen fürtragen lassen/So bezeugt
auch der heilige Paulus / daß dises das fürnemeste Ampt seie
vnser

Vorrede.

vnsern Herrn Ihesu Christi zur rechten seines Vaters, nemlich
daß er auff Erden Prediger sende. Wie nun aber vnser Herrgott
mit allem fleiß das Predigamt treibet/also ist vnter allen wer-
cken der böse Geist keinem feinder vñ gehäßiger/dañ dem Wort
Gottes/Predig/vnd Sacramenten/ dan er tag vnd nacht damit
vmbgehet/wie er dises Wort entweder gar möge austilgen/oder
ja in verdacht vnd verachtung bringen/ Darumb in dann Chri-
stus einen Feind/der bösen Samen seet / nennet/ das ist/ in der
Kirchen vnd Geistlichen wesen alles vbel stiftet vnd anrichtet/
Daher er im Job vnter den Kindern Gottes/das ist/in d' Christ-
lichen Kirchen versammlung wird gefunden / Vnd im Zacharia
im new gebawten Tempel stehet / nit allein dem leiblichen Ho-
hē Priester/sonder vnserm Herrn Christo/vñ seine Engeln so da
zūgegen/widerstand zū thun/fürhabens. Derhalbē hoch von nö-
ten/das beide die Prediger vnd weltliche Oberkeit / höchstē fleiß
ankeren/damit diser böse feind nit fürtrucken/ vñ sein sarnemen
mit der that/Gott vnd dem Menschlichem Geschlecht zū merck-
lichem schaden/volbringen möge. Dann von diser sachen wegen
auch der heilige Paulus so fleißig die Prediger vermanet/ daß
sie jres Ampts/so trewlich vnd fleißig sollen warten/als in Ge-
schichten der Apostel am 20. Capit. Habt acht auff euch selbs/vñ
auff die ganze Herde / vnder welche der Heilig Geist euch zū
Bischoffen gesetzt hat/zū weidē die Gemeine Gottes / welche er
durch sein eigen Blut hat erworben Den das weiß ich/das nach
meinem Abschied werden vnter euch kommen grewliche Wölf-
fe/die der Herde nit verschonē werdē Auch auß euch selbs wer-
den auffstehen Menner/die da verkerte Lere reden/vnd die Jün-
ger an sich zihen werden. Item 1. Tim. 3. Solchs schreib ich dir/
vnd hoffe auffschirest zū dir zūkommen/so ich aber verzöge/das
du wissest/wie du wandlē solt/in dem Hause Gottes/ welches
ist die Gemeine des lebendigen Gottes / ein pfeiler vnd grund-
feste

Vorrede.

festen der Wahrheit. So befehlet auch der ander Psalm der Oberkeit den Sohn Gottes zu küssen/anzubeten / vnd ihm gehorsant zuleisten. Darnach der vier vnd zwanzigst/die Thor dem König der ehren auffzuschliessen/das ist/das Reich Gottes an allen orten zu pflanzen vnd zu fördern.

Auß disen hochwichtigen vrsachen / nemlich/das der Kirchen mitnus vorgestanden/das Reich Gottes erweitert/vnd des Teuffels reich zerstöret möchte werden/ist dise Kirchenordnung zusammen getragen in welcher nichts neues/sondern das/so zu uor in der Eolnischen/vnd Württembergischen / mit welcher sich auch die erst Pfalzgräffische / Herzog Dith Heinrichs/ hochlöblichster gedechtnus. die Zwenbrückische/vnd Marggräffische zu Pforzheim. thun vergleichen/begriffen/ fürgenomien ist worden. Derhalben die Pfarherrn/denen zu lieb es geschrieben / vnd in truck gegeben/eintrechtig darbei bleiben sollen/ vñ nit ein jeglicher seines gefallens in der Kirchen handeln/Dann solche vngleichheit bey dem gemeinem Man vnd Leyen/groß ergernuß vñ nachred pflegt zumachen. Nun befehlet Christus ernstlich/ das man auch die geringen nit sol ergern/vnd spricht: Wer ergert der gerinsten einen / dem wer weger / daß ein Mühlstein an seinen Hals gehenckt würde/ vñ ins Meer/da es am tieffsten/versenckt würde. Welche schreckliche wort billich allen Menschen/bevorab den Kirchendienern/zu herken gehen sollen/vnd sie vermanet/ daß sie nicht mit frechem herken /sondern wie Paulus vermanet/mit zittern vnd beben jr Ampt verrichten. Das helff der

Allmechtige Gott vnd Vater/gelobt vnd gebenedeiet
mit seinem Sohn Ihesu Christo/vnd
dem Heiligen Geist/

Amen.

Regi:

Register der Capitel in diesem Buch begriffen.

I.	Vom Kirchengesang / Predig / vnd Cere- monien.	fol. 1.
II.	Vom Catechismo.	9.
III.	Vom Tauff.	14.
IIII.	Von der Jachtauff.	29.
V.	Vom Nachtmal.	34.
VI.	Von besüchung der Krancken.	46.
VII.	Vom Ehe einsegnen.	50.
VIII.	Vonden Feyertagen.	58.
IX.	Von der Begrebnus.	59.
X.	Von der Visitation.	60.
XI.	Von den Synodis / oder Püesterlichen versamlungen.	69.
XII.	Gemeine Gebet.	72.

Vom

I.

Vom Kirchengesang/Predig/ vnd Ceremonien.

Auff den Sontag vnd Feiertag / wo
Lateinische Schülen sein / sol der Schülmey-
ster mit den Schülern eynen lateinischen An-
tiphen / so sich zur zeit reimet / singen. Als von
Weyhenachten biß auff Purificationis Mariae.
O admirabile commercium. Von Purificationis
biß Ostern / *Vuo ego, dicit Dominus, nolo mortem peccatoris, &c.* Von
Ostern biß Pfingsten / *Alleluia, Resurrexit Dominus, &c.* Von
Pfingsten biß auff Weyhenachten / *Veni S. Spiritus, &c.*

Darnach sing man das Kyrie deutsch / wie es im Straß-
burger Cantional beschriben ist.

Nach dem Kyrie / soll der Pfarher die Offne Beicht /
samt der Absolution sprechen / auff massen wie folget.

Offne Beicht.

Ich will dem Herren mein vbertretung bekenn-
en / so vergibstu mir die misserhat meiner Sün-
den / darumb werden dich alle heyligen bitten zur
rechten zeit.

Allmechtiger / Ewiger Gott vnd Vater / wir
bekennen vnd veriehen / das wir leider in Sünden
sein empfangen vnd geboren / vol vnwissenheit vnd

Vom Kirchengesang!

vnglaubens deines Göttlichen Worts / allzeit geneigt zum bösen / vñ faul zum guten / vbertreten dein heilige Gebot ohn vnterlas / dardurch wir in den ewigen Todt fallen / vnd vns selbst je lenger je mehr verderben / Das ist vns aber leyd / vnd begeren deiner gnaden vnd hilff / Erbarm dich vber vns / aller gnedigster / barmherzigster Gott vnd Vater / durch deinen Sohn vnsern Herren Ihesum Christum / verleihe vnd mehre vns deinen Heiligen Geist / der vns lere vnser Sünd vnd vngerechtigkeit gründtlich erkennen vnd berewen / auch dein gnad / vnd verzeihung vnserer Sünd / in Christo vnserem Herren / deinem lieben Sohn / mit warem Glauben ergreifen vnd annemen / also / das wir den Sünden je lenger je mehr absterben / vnd dir in einem newen leben / zu deinem preis / vnd besserung deiner Gemein / dienen vnd wolgefallen mögen / Amen.

Höret den Euangelischen Trost.

Johannis am iij.

Also hat Gott die Welt geliebt / das er seinen einigen Sohn gab / auff das alle die an ihn glauben / nit verloren werden / sondern das ewig leben haben.

i. Timoth. j.

Das ist gewislich war / vnd ein thewer werdes wort /

wort/das Christus Ihesus ist in die welt kommen/die
Sünder selig zumachen.

Johan. iij.

Der Vater hat den Sohn lieb/vnd hat ihm alles
in seine hand geben / wer an den Sohn glaubt / der
hat das ewig Leben.

Actor. r.

Alle Propheten zeugen von Christo / das durch
seinen Namen/alle die an in glauben/vergebung der
Sünden haben.

i. Johan. ij.

Lieben Kindlein/ ob jemandt sündiget / so haben
wir einen Fürsprechen bey dē Vater/ Ihesum Chri
stum/der gerecht ist/vnd derselbig ist die versünung
für vnser Sünde.

Nach diser Sprüch einem/ so spreche der Pfar
her ein solche Absolution.

Vnser lieber Herz Ihesus/hat seiner Kirchen
disen hohen trost verlassen / das er vns Predigern/
seinen Dienern befohlen hat/allen denē/so ihre Sün
de leid sein/die an Christum glauben/vnd vertrau
en / vnd ihr leben begeren zū bessern / die Sünd zū
uerzeihen/vnd hat zūgesagt/das solchen ihre Sünd
droben im Himmel verzeihen sein sollen / Auff disen

gnädigen befehl vnd vertroöstung vnser Herren
Ihesu Chusti / verkündige ich allen denen / so ihre
Sünd leid sein / an Christum glauben / vnd ihr leben
zü besseren begeren / vergebung aller ihrer Sünd /
Gottes gnad / vnd barmherzigkeit / vnd das ewig
leben / durch vnsern Herren Ihesum Christum /
Amen.

Nach beschehener Absolution spreche
der Kirchendiener.

Jetzgehörter lossprechung von Sünden / sollen
sich allein die Büßfertigen vnd Glauben / von her-
zen trösten / vnd festiglich glauben / ihre Sünd seien
ihnen auch im Himmel verziehen. Aber die Vnbüß-
fertigen sollen wissen / das vnser Herr Christus be-
fohlen hat / ihnen ihre Sünde zü behalten. Auf di-
sem ernsthaftten befehl vnser Herren Ihesu Chri-
sti / verkündige ich allen Vnbüßfertigen / vngläubi-
gen / vñ gottlosen Menschen / Gottes zorn / vngnad /
vnd die ewige verdammuß / bis so lang sie sich bes-
sern.

Nach geschehener offner Beicht / lese der Pfarher die ge-
wönlich Sonntags / oder Feirtags Epistel / mit eyner vorge-
henden kurzen Summarien.

Auff die Epistel fang der Schulmeyster den Glauben an
teutsch / im Sommer den grossen mit dreyen gesetzen / im Win-
ter den kleinen / Ich glaub in Gott Vater / 16. Oder aber sing
man

man von Ostern bis Ascensionis / Christ ist erstanden. Von Ascensionis bis Pfingsten / Christ für auff gehn Himmel. Von Pfingsten bis Weyhenachten / Nun bitten wir den Heiligen Geist / mit den folgenden gesetzt. Von Weyhenachten bis Purificationis / Ein kindlein so lobenlich / Oder was je nach gelegenheyt der zeit / der Kirchen am fruchtbarlichsten ist.

Demnach folge die Predig auff der Cangel auff folgende weis. Erstlich bete man das Vater vnser / Auff das Gebet lese der Pfarherz das gewonlich Euangelium / welchem folge so bald ein Christliche auslegung / Vnd sol der Pfarherz sein Predig nicht auff scheltwort / rachgirikkeit vnd dergleichen / auch nicht spizige / hohe / scharffe sachen oder Fragen / vil weniger auff Sabeln / oder sonst kindische ding / sondern vff die ehre Gottes / der Kirchen / vnd besonders der Zuhörer / so in dieselbige Pfar gehören / nutz vnd fruchtbarkeyt / auff das einfeltigest vnd verstendigst / richten.

Nach der Predig geschehe das gemein Gebet / auff folgende weis.

Lieben freund / Dieweil wir beyeinander versamlet sein / vnd Gottes wort gehört habē / so wöllen wir alle not der ganzen Christenheit vnserm Herrgott fürtragen / ihne bitten / er wöll vns gnedig vnd barmherzig sein / alles geben was vns nutz vnd not ist / zür leibes notturfft / vnd zür seelen seligkeit. Am ersten so bittet für das Geistlich / das vnser lieber Herrgott vns sein heiligs wort wölle lassen predigen / vnd gnad verleihen / das wir solches gerne hören / mit dem hertzen glauben / vnd vnser leben

Darnach richten/ Auch alle die jenigen/ so von solchs Worts wegen in jamer/elend vnd widerwertigkeit stecken / trösten / stercken / vnd auß allem jamer vnd elend erretten. Er wölle auch alle so noch in finsternuß / irthumb / vnd abgötterey stecken / gnediglich durch sein Wort vnd Heiligen Geist erleuchten / vñ zü erkantnuß der warheit bringen / auff das sie mit vns / vnd wir mit ihnen mögen selig werden.

Zum andern / bittet für das Weltlich Regiment / Erstlich für das Haupt / die Röm: Kay: Mai: vnsern aller gnedigsten Herzen / Darnach für die Glieder / als Churfürsten / Fürsten vnd Herzen der ganzen Christenheit. In sonderheit aber für vnser gnedige Herren / Frawe vnd Frewlein von Hanaw / für irer Gnaden Räthe / Aemptleut / Diener / vnd die ganze Herrschafft / für ein ersam Gericht vnd Gemeine alhie / auch die vmbliegende Nachpaurschafft / der Allmechtige Gott verleihe der Oberkeit seinen Heiligen Geist vnd weisheit / das sie Christlich vnd wol regieren / die Vnterthanen in gemeinem Friden erhalten vnd bewaren.

Letzlich bittet auch für den Ehelichen stand / der Allmechtige Gott verleihe allen Eheleuten seinen Heiligen Geist / das sie Christlich / fridlich vnd eintrechtiglich beieinander leben / ihre Kinder vnd Gesind zü Gottes forcht / auch ehr vnd tugent mögen

mögen aufferziehen. Bittet für die frucht des Fel-
des/vmb ein seliges Wetter/vnd vmb alles so vns
von nöten ist. Kinder vnd Krancken wölle vnser
Herigott pflegen vnd warten/ Schwangern vnd
Seugerin fröliche frucht/vnd gedeien geben/die ge-
fangnen los vnd ledig machen/Vnd ein jeglicher be-
denck sein eigene not/vnd kom mit mir für Gott den
himlischen Vater/vnd zweiffel nicht/er werde vns
gnediglich durch Christum erhören/vñ spricht von
gantzem hertzen also:

Vnser Vater/der du bist im Himmel/ Geheiligt
werde dein Nam/Zükom dein Reich/ Dein will ge-
schehe auff Erden wie im Himmel/ Vnser täglich
Brot gib vns heut/Vnd vergib vns vnser Schuld/
als wir vergeben vnsern Schuldigern/ Füre vns
nit in versuchung/ Sondern erlöse vns von dem
bösen/Dann dein ist das Reich/vnd die Krafft/vnd
die Herligkeit/ von ewigkeit zü ewigkeit/ Amen.

Nach dem Gebet sing die Schul vnd Kirch einen Psal-
men/dem sol folgen ein bequiem Gebet/ vnd beschluß mit dem
Segen.

**Wie es auff den Dörffern/da nit
Schulen sein/soll gehalten
werden.**

Auff den Dörffern/ da nit Schalen sein/ sing der Pfar-
her am Sontag vnnnd Feyertag/ einen Deutschen Psalmen/
darnach

darnach erzeleer die offne Beicht / Absolution / vnd Epistel /
Darnach sing er widerumb ein kurz gesang / oder die letzten ge-
sez vom ersten / als dann thue er die Predig / wie oben vermeldet /
vnd beschließ mit dem Gesang / Gebet / vnd Segen.

Von der Wochen Predig.

In der Wochen sol man für der Predig eynen Psalmen
singen / dem folg ein Vater vnser / vnd die Predig / lezlich be-
schließ die Predig mit dem Gesang / Gebet / vnd Segen.

Zusatz vnd erinnerung auff den Kirchen Gesang.

Es sollen alle Pfarherin eintrechtlich bey dieser Ord-
nung bleiben / vnd nit ein jeglicher seines gefallens / eigensins /
vnd mit willens in der Kirchen / ordnung vnd enderung für-
nehmen / Dann dardurch der gemeine Mann irre gemacht / vnd
die Gleisner dem Euangelio vbel zureden verursacht werden /
Doch mag man auff die hohen Fest / als Weyhenachte / New
Jar / vnd andere / für die offne Beicht / die Gebet / so zum Fest
dienstlich / sprechen.

Weiter sol sich auch ein jeder Pfarheri befließigen / das er
in dem gemeinen Gebet nach der Predig / die gethone Predig
anziehen könne. Item / da grossenot / als Krieg / Sterben /
Thewrung / vnd dergleichen / vorhanden / auff solche fürnem-
lich das Gebet richte.

Demnach mit den Psalmen vñ geistlichen gesengen / von
vielen Pfarherin vnd Schulmeystern / vngeschickt / vnd vn-
ordenlich

ordentlich gehandelt / sollen sie die Gesang auff folgende weis anrichten.

I.

Der Gesang in der Kirchen sol sich mit der zeit vergleichen / als zu Weyhenachten sol man singe von der Geburt Christi / Zu Ostern von der Auferstehung / zu Pfingsten vom Heiligen Geist /c.

II.

Man sol beuorab in den Dörffern / nicht vilerley vnd seltsame Gesang brauchen / sondern etliche wenige / allermeist so sich zum Catechismo reimen / als da ist / Das Vater vnser / der Glaub / die Zehen Gebot / Auß tieffer not / Es wöll vns Gott genedig sein / vnd dergleichen.

III.

Die Predig sol alwegen mit ein Gesang / so mit vber ein stimmet / vnd sich darzu reimet / beschlossen werden / Als auff *Misericordias Domini*, singe man / Auß tieffer not / Auß *Iubilate*, Ach Gott von Himel sihe darein / Auß *Cantate*, Ein feste Burg / Auß *Trinitatis*, Gott der Vater wohn vns bey /c.

II.

Vom Catechismo.



Dennach kein zweiffel / der Catechismus sey ein notwendig vnd nutzlich werck in der Kirchen / so sol er von den Pfarhern nicht versaumpt / oder dem Schulmeister allein befolhen / sondern fleißig auff folgende meynung getriben werden.

Am Sontag nach dem morgen essen / sol man mit einer

glocken zum Catechismo leuten/da sol man als dan ein Gesang
singen / darnach so tret der Pfarher auff den Predigstül / vnd
erzele die sechs stuck von wort zu wort/wie folget.

Die Zehen Gebot.

Das Erste.

Du solt mit andere Götter haben.

Das Ander.

Du solt den Namen deines Gottes nit vnnutz-
lich führen.

Das Dritte.

Du solt den Feyertag heiligen.

Das Vierde.

Du solt deinen Vater vnd deine Mütter ehren/
auff das dirs wolgehe/vnd du lang lebest auff erdē.

Das Fünffte.

Du solt nicht tödten.

Das Sechste.

Du solt nicht ehebrechen.

Das Sibende.

Du solt nicht stelen.

Das Achte.

Du solt nicht falsch zeugnuß reden wider dei-
nen Nächsten.

Das

Das Neunde.

Du solt nicht begeren deines Nechsten haup.

Das Zehende.

Du solt nicht begeren deines Nechsten Weib/
Knecht/Magdt/Dihe/oder was sein ist.

Was sagt nu Gott von disen gebot
ten allen?

Antwort/ Er saget also.

Ich der Herr dein Gott/bin ein eueriger Gott/
der vber die / so mich hassen / die Sünde der Väter
heimsuch an den Kindern / bis ins dritte vnd vierde
Glied/Aber denen so mich lieben / vnd meine gebot
halten/thu ich wol in tausend glied.

Der Glaube.

Ich glaube an Gott den Vater/Allmechtigen/
schöpffer Himmels vnd der Erden. Vnd an Ihesum
Christum seinen einigen Sohn/vnsern Herren/der
empfangen ist von dem heiligen Geist/Geboren auß
Maria der Jungfrauen/ Gelitten vnter Pontio
Pilato/gecreuziget / gestorben / vnd begraben/Ab-
gestigen zur Hellen / Am dritten tag auferstanden
von den todten/Auffgefahren gen Himmel/Sitzendt
zu der rechten Gottes des Allmechtigen Vaters/

von dannen er künfftig ist/vrteil zů geben vber die lebendigen vnd die todten. Ich glaube an den Heiligen Geist / ein heilige Christliche Kirche / gemeinschaft der Heiligen / Ablass der Sünden / Außerstehung des Fleisches / vnd ein ewiges Leben / Amen.

Das Vater vnser.

Vnser Vater / der du bist im Himmel / Geheiliget werde dein Nam / Zukomme vns dein Reich / Dein will geschehe / auff Erden wie im Himmel / Vnser täglich Brot gib vns heut / Vñ vergib vns vnser schuld / als wir vergeben vnsern schuldigern / Füre vns nit in versuchung / Sondern erlöse vns von dem bösen / Deñ dein ist das Reich / vnd die Krafft / vnd die Herligkeit / von ewigkeit zů ewigkeit / Amen.

Die wort vom Tauff.

Der Herz Ihesus spricht Matthei am letzten / Mir ist gegeben aller gewalt / im Himmel vnd auff Erden / Darumb gehet hin in alle Welt / vñ prediget das Euangelium allen Creaturen / vnd macht mir zů Jüngern alle Völcker / vnd leret sie halten / alles was Ich euch befohlen hab / Vnd teuffet sie im Namen des Vaters / des Sohns / vnd des Heiligen Geistes /

Geistes/Wer da glaubt vñ getaufft wird/der wird selig werden / wer aber nicht glaubt/der wird verdampft werden.

Die wort vom Nachtmal.

Also schreiben die heiligen Euangelisten/Mattheus/Marcus/Lucas vnd S. Paulus. In der Nacht/da der Herr Ihesus verrathen ward/in dem sie assen/nam er das Brot/dancket/brachs/ vnd gab es seinen Jüngern vnd sprach/Nemet hin/vnd esset/das ist mein Leib/der für euch gegeben wird/ Solches thut zu meinem gedechtnus.

Desselben gleichen nam er auch den Kelch nach dem Abendmal/dancket/vnd gab in den vnd sprach/Trincket alle darauff/diser Kelch ist das Newe Testament in meinem Blut / das für euch / vnd für viel vergossen wirdt/zü vergebung der Sünden/ Solches thut / so oft ihrs trincket/zü meinem Gedechtnus.

Die wort von der Absolution / oder gewalt der Schlüssel.

Der Herr Ihesus Christus sprach zu seinen Jüngern. Gleich wie mich mein Vater gesand hat / also

Ioan. 20.

sende ich euch auch / vnd da er das gesagt / bließ er sie an / vnd sprach: Nemet hin den Heiligen Geist / welchen ihr die Sünde vergebet / denen seind sie vergeben / vnd welchen ihr sie behaltet / denen seind sie behalten.

Darnach so hale der Pfarher oder Schulmeister mit den Kindern das Examen / vnd lere die jüngsten den bloßen Text / der sechs stück oben beschriben / Die andern aber auch die außlegung / auß dem kleinen Catechismo Lutheri / vnd so solchs alles ein stund geweret / beschließ man mit dem Gebet / Gesang / vnd Segen.

III.

Vom Tauff.

In wol zu diser zeit mit viel alte Menschen / sondern zum mehrer theil Kinder getaufft / wie es denn auch recht vnd Christlich ist / daß die Kinder getaufft werden / jedoch so man recht zu hertze fasset / von wem der Tauff gestiftet vnd eingesetzt / auch was grosse gutthat vns auß Gottes gnaden / durch den Tauff angeboten vñ vbergeben / so wird er ohn allen zweiffel / für kein liderlich kinderspiel / sondern für der hochwürdigsten / trefflichsten werckzeug einen / dadurch der Heilige Geist in vns krefftig / vnd thetig gehalten. Denn nach dem der Tauff durch den Teuffer Joannem

annem auß Gottes beruff angefangen / hat der Sohn Gottes vnser lieber Herr Ihesus Christus denselben nicht allein selbs empfangen / sondern auch besteriget vnd befohlen / daß er für vnd für in der Kirchen / bis zu end der Welt gehalten / vnd gebraucht werden sol.

Esai. 40.
Mat. 1.
Marc. 1.
Luc. 3.
Ioan. 1.
Mat. 28.

Vnd dieweil S. Paulus bezeuget / daß wir mit Christo in den todt durch den Tauff begraben / auff das gleich wie Christus ist auferstanden von den todten / durch die herligkeit dess Vaters / also sollen auch wir in ein newen leben wandlẽ. Daß auch die / so getaufft werden / Christum anziehen / Vnd der Tauff sey ein Badt der widergeburt / der reinigung / vnd der ernewerung dess Heiligen Geistes / So kan man sich darauff wol erinnern / daß er sey ein Göttliche Ceremonia / vnd heilig Sacrament / dardurch wir vnser beruffs / zur kindtschafft Gottes vergewißt / vnd in die possess der ewigen Himlischen güter eingesetzt werden. Denn / wiewol nicht alle so getaufft / die ewig seligkeit erlangen / so geschicht doch dasselbig nicht auß mangel dess Tauffs vnd beruffs Gottes / sondern auß mangel deren / so sich dess Tauffs mit mit rechtem vertrauen in den Herrn Christum / durch sein Euangelium / gebrauchen. Darumb nach dem so viel an dem Christlichen Tauff gelegen / das wir vns sein in den aller größten vnd schweresten ansechtungen / fürnemlich von der ewigen versehung Gottes / behelffen vnd getröstet mögen vñ sollen / So ist kein mühe zú sparen / damit er Christlich gehalten / außgetheilet / vnd empfangen werde.

Rom. 6.
Gal. 3.
Tit. 3.
Ephes. 5.

Vnd anfenglich sol der Widerteuffer frithumb / so den jungen vnd vnmündigen Kindern den Tauff abschlagen / gantzlich verworffen sein / sondern die Kinder / als die nicht der geringste theil Gottes Volck sein / sollen vermög Göttlichen Worts vnd ordnung getaufft werden.

Vnd

Vnd wiewol vor zeiten in der ersten Kirchen nur zwö zeit im jar/ nemlich Ostern vnd Pfingsten/ zu tauffen verordnet/ jedoch nach dem der Sohn Gottes vnd seine Aposteln kein sonderliche zeit hierin bestimpt/ sondern der Kirchen jr freyheit gelassen/ auch viel Kinder irer schwachheit halben/ die ob bestimpte zeit des Tauffs/ nit erreichen möchten/ So wöllen wir auß disen vnd andern hochwichtigen vrsachen/ daß die Kinder zu jeder gebürlicher zeit/ da es von irent wegen ordentlich begeret/ vnd sie fürbracht/ getaufft werden/ Jedoch achten wir es für nützlicher/ daß die Kinder/ außserhalb der not irer schwachheit/ nit zur zeit da kein Kirchen versammlung vorhanden/ sonder auß den Sonntag/ oder ander Feyertag/ oder auß dē wercktag/ da Predig gehalten/ vnd ein menge des Volcks in der Kirchen beyeinander versamlet/ zu tauffen fürgetragen werden/ damit meüßiglich bey dē Kindertauff/ nit alleindes gebrauchs/ vnd nutz des Tauffs erinnert/ sondern auch Gottes Namen vber das Kind anzurüffen/ vnd dem Kind/ vmb ein rechten Chrißlichen glaubē/ der jm zu rechter empfangung des Tauffs/ vnd zur seligkeit nödig/ zü bitten/ ermanet vnd bewegt wurden.

Wir wöllen aber hiemit niemands gestat haben/ das er mit seines Kindes Tauff/ auß verachtung/ gefehlicher weiß/ vnd irriger/ vnchristlicher meinung/ in die lenge verziehe/ Dañ wo solchs geschehe/ gedencken wir dasselb/ nach gelegenheit des handels/ ernstlich zü straffen.

Darnach sol auch fürnemlich hierin bedacht werden/ das die Substantia/ oder das wesentlich stück eines rechten Chrißlichen Tauffs/ nit an der menge vnd viele der Ceremonien/ so vor diser zeit bey dem Tauff im brauch gewesen/ sondern fürnemlich an dem gelegen sey/ das der Tauff gereicht werde/ im Namen Gott des Vaters/ vnd des Sohns/ vnd des Heiligen Geistes/

Geists. Darum alle Lectiones / vermanung vñ Gebet bey dem Tauff dahin gericht werden sollen / daß dieses wesentlich stück recht verstanden vnd gebraucht werde.

Das aber das Kindt in tauffen ein oder aufgewickelt sey / eyn oder drey mal begossen / in das Wasser eingetaucht / oder mit wasser besprenget / ist an jm selbs mittelmessig / Jedoch dierweil es in diser Landts art gebrauchlich / das Kind eingewickelt zů lassen / auch das haupt allein zů begiessen / wollen wir bey derselben gemeinen ordnung aller Nachpaurtschaft / gern bleiben.

Es sol auch beide von den Eltern vnd Pfarhern fürsehung geschehen / daß zů Geuattern des Kindtstauff / nicht leichtfertige Personen / so in öffentlichen lastern vnbusfertige verhafft / sondern ehliche vnd gottsfürchtige Leut / angenommen werden / damit nit durch der Geuattern vnerbarkeit das heilig Sacrament des Tauffs / vor der Kirchen geschendet werde. Vnd zů beforderung diser sachen / sollen die Pfarhern das Volck von der Canglen fleißig vermanen / vnd ernstlich darob halten / daß die Eltern / die Gott mit erben des leibs gesegnet / allweg zů vor / vnd ehe sie die Geuattern ansprechen / irem Pfarhern anzeigen / was Personen sie darzů gebrauchen / vnd ohne jres Pfarhern wissen vnd willen keine gewinnen.

Zierauff sol nachfolgende ordnung im Tauff gehalten werden.

Erstlich frag der Kirchen diener / wie man das Kindt nennen wölle / vnd ob es nit jachtaufft sey / so es nun nicht jachtaufft ist / spreche er also.

Form des Tauffs.

Es ist vns ein Kindlein fürgetragen/vnd von
seinet wegen begert/das es dem Gebet gemeiner
Christlichen Kirchen befohlen/vnd nach ordnung
vnd einsetzung/vnsers Herren Ihesu Christi ge-
taufft werde.

Damit wir aber bericht empfangen/auf was
grund Göttlicher Schrifft wir vns des Kindleins
annemmen/vnd durch das Gebet Gottes ange-
sicht fürstellen/auch in vmb die gnad vnd gab des
Tauffs bitten sollen/so last vns hören das 4. Euan-
gelium von den Kindlein/wie es Marcus am 10.
beschrieben hat.

Zu der zeit brachten sie Kindlin zu Ihesu/das
er sie solt anrühren/aber die Jünger füren die an die
sie trugē/Da es aber Ihesus sahe/ward er vnwillig/
vñ sprach zu jnen/Last die Kindlein zu mir komē/
vnd weret jnen nicht/dan solcher ist das Reich Got-
tes/Warlich ich sage euch/wer das Reich Gottes
nit empfehet als ein Kindlein/der wirdt nit hinein
kommen/vnd er hertzet sie/vnd legt die hende auff
sie/vnd segnet sie.

Lieben

Lieben freund / wir hören auß diesem Enange-
lio / wie freundtlich sich der Sohn Gottes / vnser
lieber Herz Ihesus Christus gegen den Kindlin stel-
let / damit er offentlich vnd gewis züuerstehen gibt /
in was grosser not vnd gefahr die armen Kindtlein
stecken / vnd das sie darauf ohn sein sonderlich gnad
vnd barmherzigkeit / nicht erlöset werden mögen /
Dañ wir hörē auch sonst täglich auß Gottes wort /
erfahrens auch beyde an vnserm leben vnd sterben /
das wir von Adam her allesampt in Sünden em-
pfangen vnd geboren werden / darinnen dann wir
vnter Gottes zorn in ewigkeit verdampt vnd ver-
loren sein müsten / wo vns nicht durch den eingebor-
nen Sohn Gottes / vnsern lieben Herren Ihesum
Christum darauf geholffen were.

Dieweil dann dises gegenwertig Kindtlin in
seiner Natur / mit gleicher Sünde / in massen wie wir
auch / vergiffet vnd verunreiniget ist / darumb es
auch des ewigen Todts vnd verdammus schuldig
sein vnd bleiben müste.

Vnd aber Gott der Vater aller gnaden vnd
barmherzigkeit / seinen Sohn Christum der ganze
Welt / vnd also auch den Kindern mit weniger dann
den Alten verheissen vnd gesandt hat / welcher auch
der ganzen Welt Sünde getragen / vnd die armen

Kindlein gleich so wol als die alten / von Sünd/
todt vnd verdammnis erlöset / vñ selig gemacht hat/
vnd befohlen / man sol sie zü jm bringen / das sie ge/
segnet werden.

Derhalben vermane vnd bitt ich euch alle / die
jr hie versamlet seit / auß Christlicher lieb vnd trew/
das jr erstlich zü hertzen nemen / vnd mit fleiß beden/
cken wolt / in was grossen jamer vñ not dises Kind/
lein / seiner art vnd natur halben stecket / Nemlich
das es sey ein Kindt der Sünden / des zorns / vnd
vngnad / vnd das jme nicht anders geholffen wer/
den möge / dann das es durch den Tauff auß Gott
new geboren / vnd von Gott an eines Kindtsstat /
von wegen vnser Herrn Ihesu Christi / angenom/
men werde.

Hierauff so wöllet euch dises gegenwertigen
armen Kindtleins / gegē Gott dem Herrn / mit ernst
annemen / dasselb dem Herrn Christo fürtragen / vñ
bitten / er wölle es zü gnaden auffnemen / ihm sein
Sünd vergeben / vnd zü einem miterben der ewigē
himlischen güter erkennen / auch nicht allein von des
Teuffels gewalt / dē es der Sünd halb vnterwürf/
lich / erledigen / sonder auch also durch den Heiligen
Geist stercken / das es dem Feind im leben vnd ster/
ben / statlichen widerstandt thun / vnd in dem zum
seligen sieg erhalten werden mög.

Laß vns beren.

O Allmechtiger ewiger Gott / ein Vater vnfers
 Herrn Ihesu Christi / wir rüssen dich an vber disen
 deinen diener N. der die gab deiner Tauff bittet/
 vnd dein ewige gnad / durch die geistliche widerge-
 burt begeret / nime ihu auff Herz / wie du gesagt hast /
 Bittet so werdet jr nemen / süchet so werdet jr findē/
 klopfft an / so wirt euch auffgethan / So reych nun
 ewiger Gott dein güte vnd gnad dem der da bittet/
 vnd öffne die thür dem der da anklopffet / daß er den
 ewigen segen dises himlischen Bads erlange / vnd
 das verheissen Reich deiner gaben empfahe / durch
 Christum vnsern Herren / Amen.

Ein ander Gebet.

Allmechtiger ewiger Gott / der du durch die
 Sündflut nach deinem gestrengen Gericht / die vn-
 gläubige Welt verdampt / vnd den glaubigen Noa
 selb acht / nach deiner grossen barmherzigkeit erhal-
 ten / vnd den verstockten Pharao mit allen seinen im
 Roten Meer ersenfft / vnd dein Volck Israel trockē
 hindurch geführet / auch durch solches das Badt
 deiner heiligen Tauff zukünfftig bezeichnet vnd be-
 deutet / Desgleichen durch die Tauffe deines lieben
 Kindes vnfers Herrn Ihesu Christi / den Jordan

vnd alle wasser zur seligen Sündflut / vnd reichlicher abwaschung der Sünden geheiliget vnd eingesetzt hast. Wir bitten dich durch dieselbe deine grundtlose barmherzigkeit / du wollest disen Ungnediglich ansehen / vnd mit rechtem glauben im Geist beseligen vñ stercken / dz durch dise heilsame Sündflut an jm ertrincke vñ vntergehe / alles was jm von Adam angeboren ist. * Das er auch auß der zal der vngleubigē gesündert / in der heiligen Arca der Christenheit / trocken vnd sicher behalten werde / deinem Namen allzeit brünstig im Geist zū dienen / auff das er mit allen Glaubigen deiner verheiffung ewiges Leben erlangen möge / durch Ihesum Christum vñ fern Herzen / Amen.

*
Nota.
Wan ein
altes ge-
tauffe wird /
sol man die-
se wort
(vnd er
selbs da-
zū gethon
hat) hinzu
setzen.

Last vns auch sprechen das Gebet / so vns vnser Herz Christus selbs gelehrt vnd befohlen hat zū beten / vnd nicht allein vnser vnd des Kindes notturstt darein begreiffen / sondern auch darmit vns gewislich zūerhören verheiffen hat.

Sprecht ein Vater vnser.

Nach dem Gebet sprach der Kirchendiener die Genattern an also:

Lieben freundt in Christo / nach dem jr von we-
gen

gend dieses N. begeret haben/ das er (oder sie) in dem Namen Ihesu Christi getaufft/ vnd durch de Tauff in die heilige gemein Gottes Volcks angenommen vnd eingeleibt werde/ so ist euch als Christen vnverborzen/ das/ welcher sich zu der gemeinen Christlichen Kirchen thut/ der begibt sich in ein Geistlichen streit/ darin wir nicht allein mit Fleisch vnd Blüt/ sondern auch mit dem bösen Geist/ die tag vnser lebens / hie auff Erden zükempffen haben / welchen streit auch wir ohn rechten glauben in Gott Vater/ Sohn/ vnd Heiligen Geist nit volsüren mögen.

Hierauff / dieweil jr euch auß Christlicher lieb vnd freundschaft/ dieses noch vnmündigen N. haben angenommen / vnd vertreten in diser offentlichen Christlichen handlung/ So wolt mir an seiner stat antworten / damit offentlich bekandt werde/ warauffer getaufft werde.

N. Widersagstu dem Teuffel/ vnd allen seinen wercken vnd wesen?

Antwort/ Ja/ich widersag.

N. Glaubstu an Gott Vater Allmechtigen / schöpffer Himmels vnd der Erden?

Antwort/ Ja/ich glaub.

N.

A. Glaubstu an Ihesum Christum seinen eingebornen Sohn/ vnsern Herrn / der empfangē ist von dē Heiligen Geist/ Geboren auß Maria der Jungfrawen/ Gelitten vnter Pontio Pilato/ gecreuziget/ gestorben vñ begraben/ Abgestigen zur Hellen/ Am dritten tag aufferstandē von den todten/ Auffgefahren gen Himmel / Sitzend zu der rechten Gottes des Allmechtigen Vaters/ von dannen er künfftig ist/ vñ teil zu geben vber die lebendigen vnd die todten?

Antwort/ Ja/ich glaubs.

A. Glaubstu auch an den Heiligen Geist/ ein heilige Christliche Kirch / gemeinschaft der Heiligen/ Ablas der Sünden/ Aufferstehung des fleisches/ vnd ein ewigs Leben?

Antwort/ Ja/ich glaubs.

Erkennet jr auch dise vnserē Gemein / vnd alle die sich bei jetzt erzehlten Artickeln des Christlichen Glaubens mit warhafftigen hertzen halten / für ein ware Gemein Christi/ vnd disen vnsern Tauff vnd Sacrament / für den waren Tauff vnd Sacrament Christi?

Antwort/ Ja.

A. Wil

N. Wiltu darauff getaufft sein?

Antwort/ Ja/ ich wil.

Als dann begieß der Kirchenbieter des Kindes heubt mit wasser/ vnd sprach mit heller lauter stimme.

N. Ich tauff dich im Namen Gottes des Vaters/ vnd des Sohns/ vnd des Heiligen Geistes/ Amen.

Vnd sprach darauff.

Der Allmechtig Gott vnd Vater vnseres Herren Ihesu Christi/ der dich N. anderweit durchs wasser vnd Heiligen Geißt geboren/ vnd dir alle deine Sünd/ durch seinen lieben Sohn vnsern Herrn Ihesum Christum vergeben hat / der stercke dich mit seiner gnaden im Heiligen Geißt zum ewigen leben/ Amen.

Darauff sol der Kirchenbieter das Volk zur danckbarkeit vnd Gebet ermanen/ also sprechende:

**Bermanung zur danckbarkeit
nach dem Tauff.**

Ir lieben in Christo Ihesu/ dieweil der Allmecht.

D

tig Gott diß Kindlin zur Tauff vnfers lieben Herren Ihesu Christi hat gnediglich kommen lassen/sollen wir im lob vnd danck sagen / vnd bitten / das er ihm wölle das Kind in allen gnaden befohlen sein lassen.

Sprechent also:

Allmechtiger/barmherziger Gott/vnd Vater/wir sagen dir lob vnd danck/das du dein Kirch gnediglichen erheltest vnd mehrest / vnd disem Kindt verlihen hast/das es durch den heiligen Tauff wider geboren/vnd deinem lieben Sohn vnserm Herren vnd einigen Heilandt Ihesu Christo eingeleibt/dein Kind/vnd Erbe deiner Himlischen güter worden ist/Wir bitten dich ganz gehorsamlich / das du diß Kind / so nun mehr dein Kindt worden ist/bey der empfangenen guthat gnediglich bewaren wöllest/damit es nach allem deinem wolgefallen/zü lob vnd preis deines heiligen Namens / auff das trewlichst vnd gottseligst auffgezogen werde / vnd endtlich das versprochne Erbtheil im Himmel mit allen Heiligen empfahe / durch Ihesum Christum/Amen.

Nach vollendung dieses Gebets / mag der Kirchendiener die Eltern / Freundschaft / vnd Geuattern / auff folgende / oder dergleichen weiß anreden.

Je

Ir lieben in Christo Ihesu / wie ihr euch allhie vor dem Herren Christo / der mitten vnter vns ist / vnd vor seiner heiligen Kirchen vernemen haben lassen / also sollen ir euch desselben getrewlich lassen angelegen sein / vnd mit allem fleiß nachkommen.

Vnd ihr alle / ihr Eltern vnd verwandten dises Kindes / vnd wie viel ewer hie zügegen sein / solt nun dis Kind nach dem heiligen Tauff anders nit / dann als ein Kind des Allmechtigen / vnd ein Gliedmasß vnseres Herren Ihesu Christi / dem auch die Engel Gottes dienen werden / erkennen vnd halten / vnd nicht zweiffeln / was ir disem Kind thun werden / es sei böß oder güts / daß ihr das Gott selbs / vnd vnserm Herrn Ihesu Christo thun werden / Derhalben euch auch kein mühe noch arbeit rewen sol / die ihr darzü anteret / ein jeder nach seinem berüß vnd verwandtschaft / mit disem Kind / das es dem Herzen wol aufserzogē / vnterwiesen vnd gelehrt werde zü halten alles / was vns der Herz zühalten befohlen hat / daran ir Eltern / Verwandten vnd Geuattern für euch selbs keinen fleiß sparen solt / vnd das Kindt / so es seine Jare erreicht / in die Kirch zum Catechismo getrewlich fördern / damit es wol vnd gründtlich erkennen lerne / was grosser vnaussprechlicher gnaden vnd gaben ihm von Gott im heilic

gen Tauff geschenckt vnd vbergeben seind/vnd auß dem dann seinen Glauben in der Gemein Gottes selbs gern vnd von hertzen bekenne vnd veriehe/sag wirklich/vnd mit der that ab dem Teuffel vnd der Welt/mit allen jren wercken vnd listen/ergeb vnd stell sich dar dem Herren vnd seiner heiligen Kirchen/in ganzem gehorsam seines heiligen Euan gelions/bleibe vnd leb bey vnserm Herren Christo bis ans ende/vñ bring als ein lebendigs glied Chri sti/vnd fruchtbare Reben/die an dem Rebstock Christi gesund bleibt/viel frucht/zü dem preis Got tes/vnd besserung seiner heiligen Kirchen.

Züm beschluß sprech der
Kirchendiener.

Der Herz geseigne euch/vnd behüte euch.

Der Herz erleucht sein angesicht vber euch/vnd sey euch gnedig.

Der Herz erhebe sein angesicht auff euch/vnd geb euch den Friden./Amen.

Wir halten auch für nützlich/so außserhalb der gemeinen Predig oder Kirchen versamlung ein Kinde getaufft werden sol/das ein zeichen mit einer Glocken geschehe/damit an dere Leut dardurch zum Tauff handel zü kommen ermanet werden.

Von

III.

Von der Tachtauff.

Jeweil bisher in der Christlichen Gemein / ein löblich vnd wolgegründt gewonheit gehalten / daß alle Christliche Personen / vnd sonderlich die Hebammen / in ansehung das auch die Weiber Miterben des Reichs Christi sein / vnd die not der gemeinen Regel vnd ordnung nicht vnterwürfflich ist / zurzeit der not / in abwesen der Mütter / die Kindlein geraufft haben / welches man Tachtauff genennet hat / So wöllen wir dieselbige auch nicht auffheben / sonder in jrer krafft bleiben lassen.

Es sollen aber die Kirchendiener die Hebammen auffs fleißigst vnterrichten / Erstlich daß sie kein Kind / so noch in Mütter leib / vnd nicht ganz an die Welt geboren ist / Tachtauffen sollen / Dann nach dem der Tauff ein Sacrament der Wiedergeburt ist / erfordert die Natur dieses Sacraments / daß das Kind / so das Sacrament der Wiedergeburt empfangen sol / vorhin an die Welt geboren sey / Jedoch sollen die / so in solchē nöten dabey sein / beid Mütter vnd das Kind / dem Allmechtigen Gott durch jr trewlich fürbitbefehlen / das Gott der Mütter helffe / vnd das Kindlein im gnediglich laß befohlen sein / Darnach daß sie auch / nach dem das Kind geboren / außserhalb der höchsten not des Kindes schwachheit / nit Tachtauffen solten / sondern wo sie ein Kirchendiener / oder sonst einen Christlichen Man in der eil haben mögen / denselben beruffen / vnd ihn das Kind teuffen lassen / Aber so dasselb von schwachheit wegen des Kindes je nit gesein möcht / als dann sol die Hebamme / oder welches gegenwertigs Christlich Weib / sich des tauffs

fens vnterfangen wil/ zwo oder drey Personen so vorhanden/
zur zeugnuß beruffen vnderfordern / damit auff zweyer oder
dreyer kundschafft der Tauff bestendig sey / vnd zñuo: das
Gebet/ Vater vnser /sprechen/ darauff das Kindt mit Wasser
tauffen/ vnd sprechen:

Ich tauff dich im Namen Gottes des Va-
ters / vnd des Sohns / vnd des Heiligen Geistes.

Wer nun also / wie jetzt vermeldt/ Tachgetaufft ist / der
sol nicht wider getaufft werden/ sondern sol bey dem empfan-
gnen Tauffe bleiben.

Jedoch so das Kind lebendig bleibt / sol man es in die
Kirch tragen / als dann sol der Kirchendiener vngeschlich
nachfolgender weiß damit handeln.

Zum ersten frag er die Hebammen / wie/ vnd mit was
worten das Kind getaufft/ vnd wer darbey gewesen.

Darnach verhöre er auch die andern so dabey gewesen/
welcher gestalt das Kind getaufft sey.

So er dann befindet/ das es recht in dem Namen Gottes
des Vaters/ vnd des Sohns / vnd des Heiligen Geistes ges-
taufft worden sey / sol er gegen der versamlung der Kirchen
sprechen.

Lieben Freundt/ das Kindlein vns hie fürge-
bracht / ist seiner sorglichen schwachheit halben/ das
heimen im hauf / in dem Namen Gottes des Va-
ters / Sohns / vnd Heiligen Geists/ nach der ord-
nung Christi/ getaufft worden/ Hierauff das dz hei-
lig/ hochwirdig Sacramēt des Tauffs mit geschen-
det/

det/ noch Gottes Wort dabey gefüret/ für ein spot gehalten werde / sol es bey dem empfangnen Tauff bleiben/vnd nit wider getaufft werden.

Vnd nach dem es noch kein Namen hat/sol es N. genant werden / darumb sollen vnd wöllen wir vns dises N. als eines rechten glieds vnfers Herren Ihesu Chusti vnd seiner heiligen Kirchen annehmen.

Wir wöllen auch hören das Euangelium/darinnen sich vnser Herz Chustus der Kindlin auff das freundlichst annimpt/ damit wir erinnert werden/was wir von den Kindern halten sollen. Also schreibt Marcus am 10. Cap. Sie brachten Kindlein zü Ihesu/daf er sie anrüret/die Jünger aber führen die an/die sie tragen / Da es aber Ihesus sahe/ ward er vnwillig / vnd sprach zü ihnen / Lasset die Kindlein zü mir kommen / vnd weret ihnen nicht/ dann solcher ist das Reich Gottes. Warlich ich sage euch/wer das Reich Gottes nicht empfehet wie ein Kindlin/der wirdt nit hinein kommen / vnd er herzet sie / vnd leget die hende auff sie / vnd segnet sie.

Dieweil wir nun auß jetzt erzelten worten vnfers Herrn Ihesu Chusti des gewis vnd sicher sein/ das die Kinder / so Chusto zügetragen / ihme gefellig sein / vnd nun dises Kindt dem Herren Christo/durch

sto/durch den Tauff auch vberantwort/vñ wir ver-
 hoffen/das es zum Reich der gnaden angenommen/
 vnd nun ein Kind des Allmechtigen/vnd Gliedmaß
 vnser Heren Ihesu Christi wordē ist/ dem die En-
 gel Gottes dienen/ So wöllets auch dafür halten/
 vnd auch kein mühe noch arbeit verdüssen lassen/je-
 der nach seinem beruff vnd verwandtschaft/mit di-
 sem Kind/es dem Herren auffzuzihen/vnd zū vnter-
 weisen/das es lerne halten/das vns der Herz zūhal-
 ten befohlen hat / Daran ihr Eltern / Verwandten
 vnd Genattern für euch selbs/keinen fleis sparen/vñ
 es in die Kirché zū dem Catechismo getrewlich för-
 dern sollen / so baldt es des alters vnd verstandts
 halber sehig sein mag/damit es wol vnd gründlich
 erkennen lerne/was grosser vnd vnaussprechlicher
 gnaden vnd gaben im von Gott im heiligen Tauff
 geschenckt vnd vbergeben sein / vnd auß dem dann
 seinen Glauben in der gemein Gottes selbs gerne
 bekenne vnd veriehe / sag ab dem Teuffel vnd der
 Welt/mit allen iren wercken vnd lüsten / ergeb vnd
 stell sich dar dem Herren vnd seiner Heiligen Kir-
 chen in ganzem gehorsam seines heiligen Euangeli-
 ons/ bleib vnd leb in vnserm Herren Ihesu Christo
 bis ans ende/bring als ein lebendig glied Christi/vñ
 fruchtbare Rebe / die an dem Rebstock Christo ge-
 sundt bleibt/viel frucht/zū de preiß Gottes/vnd bes-
 serung seiner Heiligen Kirchen.

Hie

Hierauff lasset vns also beten:

Allmechtiger Gott vnd Vater vnfers lieben Herin Ihesu Christi/der du diß Kind durchs wasser vnd Heiligen Geist anderweit geboren/vnd ihm alle sein Sünd vergeben hast/sterck es nun mit deiner gnaden/mehre in jm deinen Heiligen Geist/das es an Leib vnd Seel seliglich auffwachse / vnd in dem neuen Göttlichen leben / darzu du es new geboren hast/züneme/Vnd gib seinen Eltern/vnd vns allen/das wir dir hiez zu an diesem Kind getrewlich vnd seliglich dienen / damit auch durch es / vnd vns alle/dein Göttlicher Name jimmer mehr geheiliget / vnd dein Reich erweitert werde / durch vnsern Herren Ihesum Christum/ Amen.

Vnd zum beschluß sage er:

Der freid des Herren sei mit dir / vnd mit vns allen / Amen.

Würden aber die Leut/so das Kindlein zum Tauff bringen/auff des Kirchendieners frag vngewisse antwort geben/vnd sagen/sie wüßten nit / was sie in solcher not vnd schrecken gedacht/viel weniger (wie denn offtermals geschicht) was sie geredt oder gethon hetten/So mach man nur nicht viel disputirens/sondern tauff es ohn meldung einicherley Condition/obgeschriebner ordnung gemess / wie alle andere vngetauffte Kinder getaufft werden.

℟

Von dem Nachtmal des Herren.

D ernstlicher vnser lieber Herr Ihesus Christus sein Nachtmal gestiftet vnd verordnet hat / vnd je heiliger vnd nützlicher es ist / je schwerer / grewlicher irthumb vnd mißbrauch durch den Satan drein geführt worden sein.

Dann auff einer seiten / ist es nicht ein aufteilung des verordneten Nachtmals Christi blicben / sondern ist zu einem schawspiel / vnd fürnemlich dahin mißbraucht worden / daß es sol seines werckshalben / ein verßön Opfer sein für die Sünde / der lebendigen vnd der todten.

Auff der andern seiten / ist es dahin gedeutet / als ob darinnen der warhafftig Leib / vnd das warhafftig Blüt Christi nit gegenwertig außgeteilt würde.

Darumb so man von dem heiligen Nachtmal Christi handeln wil / sol man sich anfencklichen fleißigen / daß hienon recht gelehret vnd geglaubet / darnach das es ordentlich / vñ der Kirchen nützlich außgeteilt vnd empfangen werde.

So viel nun die Lehr von dem Sacrament des Nachtmals belangt / wollen wir daß dieselbig stracks / nach vermög des Wortes Christi im Nachtmal / wie solchs in der Augspurgischen Confession erkläret / gerichtet werde / Nemlich / das in dem Nachtmal Christi / der Leib vnd das Blüt Christi / warhafftiglich /

hafftiglich/ vnd gegenwertiglich/ mit Brot vnd Wein/ auff
geteilt/ empfangen vnd genossen werde.

So viel aber die ordnung der aufsteilung dessel
ben belanget/ sol dise nachgeschribne form gehalten
werden.

Zum ersten/ sol man das Nachtmal halten auff Weyhe
nachten/ Palmsonntag/ Grünen Donnerstag/ O stern/ Pfing
sten / vnd auff einen gelegnen Sonntag vor oder nach Mi
chaelis.

Zum andern/ wenn man das Nachtmal wil halten/ so sol
man solches acht tag züvor von dem Predigstül dem Volck
anzeigen/ vnd das züempfehlen die Zühörer vermanen.

Zum dritten/ sol man am vorgehenden Abend ein Predig
thun von der Büss/ vom Glauben / von dem Nachtmal/ von
seinem nutz/ von besserung des lebens / vnd dergleichen.

Zum vierden/ wann die Predig volendet/ sol der Pfarherr
vermanen / die so folgendes tags zum Nachtmal gehen wöl
len / daß sie vmb den Altar / erstlich die Mennner/ darnach die
Frawen/ gehen wöllen/ vnd sich dem Pfarherr erzeigen / Vnd
da ime etwa Personen unbekandt/ oder auß wichtigen ursachē
nicht gefellig/ sol er dieselben nachmals in sein hauß ersordern/
vnd was in manglet/ anzeigen/ vñ dahin trachten/ damit nie
mandt vnwürdiglich das Nachtmal gebrauche.

Zum fünfften/ sol auff den tag/ da das Nachtmal zühäl
ten fürgenommen/ das Gesang/ Predig/ vnd Ceremonien ver
richt werden/ wie oben im ersten Capitel vermeldet worden.

Nach volendter Predig vnd Gesang/ sol er nachfolgende
vermanung sprechen:

Vermanung zum Nachtmal.

Ir allerliebsten in Christo Ihesu/ dieweil wir jetz das gnadenreiche Abendmal vnser liebsten Heylands begehen vnd halten wollen/darin er vns sein warhafftigen Leib zu einer speiß/vnd sein eigen Blüt zu einem tranck / den Glauben damit züsterckē/ gegeben hat / Sollen wir billich mit grossen fleiß/ vnd einbrünstiger andacht vns selbs / wie S. Paulus vermanet/probiren/Daß diß heilig Sacrament ist zu einem sondern trost vnd stercke gegeben den armen/betrübten gewissen/die ire Sünd im hertzen empfinden vnd erkennen/Gottes zorn/vnd den tod fürchten/vnd nach der gerechtigkeit hungerig vnd dürstig sein.

So wir aber vns selber prüffen/ vnd ein jeglicher in sein gewissen gehet / werden wir gewislich nichts anders finden/daß allerley greuliche Sünd/vnd den Todt/den wir mit der Sünd verschult haben/Dann der sold der Sünden ist der Todt / wie Paulus sagt / vnd künden vns doch selbs in keinem weg darauff helfen.

Darumb hat sich vnser lieber Herr Ihesus Christus vber vns erbarmet/ vnd ist vmb vnsern willen Mensch worden / auff daß er das Gefaz/vnd allen
willen

willen Gottes für vns/vnd vns zu gut erfüllet/vnd den Todt/vnd alles was wir mit vnsern Sünden verschult hetten/ für vns / vnd zu vnser erledigung/ auff sich neme vnd bezalet.

Vnd das wir je das festiglich glauben/frölich in seinem willen leben möchten/Nam er im Abendmal das Brot/saget danck/ brachs / vnd sprach: Nemet hin vnd esset/das ist mein Leib/der für euch gegeben wird/das ist/ Das ich mensch bin worden/vñ alles was ich leide vnd thu/ist alles ewer eigen / für euch/ vnd euch zu gut geschehen / Des zu einem gewissen anzeigen vnd gezeugnuß / vnd das jr immer in mir bleiben vnd leben/vnd ich in euch/geb ich euch mein Leib zur speiß.

Des gleichen nam er auch den Kelch/vnd sprach: Nemet hin/vnd trincket alle darauß/dz ist der Kelch des Newen Testaments in meinem Blüt / das für euch / vnd für viel vergossen wird/ zur vergebung der Sünden / so offt ihr das thüt/solt jr mein dabey gedencen/das ist/Dieweil ich mich ewer angenommen/vnd ewer Sünd auff mich geladen hab/wil ich mich selbs für die Sünde in den tod opffern/mein Blüt vergiffen/euch gnad vnd vergebung der Sünden erwerben/vnd also ein new Testament auffrichten/darinnen die Sünd vergeben / vnd ewig nicht mehr sol gedacht werden / Des zu einem gewissen

anzeigen vnd zeugnis / vñ zur sterck vnd fürderung
 meines lebens in euch / gib ich euch mein Blüt zū trin-
 cken. Wer nun also von diesem Brot isset / vnd von
 diesem Kelch trincket / auch diesen Worten / so er von
 Christo höret / festiglich gienbet / vnd diß Sacra-
 ment zū Erinnerung vnd bestetigung seines Glau-
 bens empfehet / der bleibt in dem Herzen Christo /
 vnd Christus in jm / vnd wird ewiglich leben.

Ioan. 6.

Also sollen wir nun sein darbei gedencken / vnd
 seinen todt verkündigen / nemlich / daß er für vnser
 Sünd sei gestorben / vñ zū vnser rechtfertigung wi-
 der auffstanden / vnd jm ewig lob vnd danck dar-
 umb sagen. Es sol auch ein jeder sein Creutz auff sich
 nemen / vnd ihm nachfolgen / vnd nach seinem Ge-
 bot einander lieben / wie er vns geliebt hat / Dann wir
 alle sind ein Brot / vnd ein Leib / dieweil wir alle ei-
 nes Brots theilhaftig sein / vnd auß einem Kelch
 trincken. Dann zū gleicher weis / wie auß vilen Beer-
 lin zūsammen getrottet / ein Wein / vnd ein Tranck
 fleußt / vnd sich ineinander menget / Vnd auß vielen
 Körnlein ein Meel gemahlen / ein Brot vnd Kuch
 gebacken wirdt / Also sollen wir alle / so durch den
 Glauben Christo eingeleibt sein / durch brüderliche
 lieb / vmb Christus vnser liebsten Heilands willen /
 der vns zūvor so hoch geliebet hat / alle ein Leib /
 Tranck /

1. Cor. 10.

Tranck/Küchen vnd Brot werden/vnd solches gegen einander nicht allein mit leren worten/ sondern mit der that vnd warheit/wie Johannes leret/ohn allen trug/trewlich gegeneinander beweisen. Das helff vns der Allmechtig/ barmherzig Gott vnd Vater vnser lieben Herzen Ihesu Christi/durch seinen Heiligen Geist/Amen.

Nach diser vermanung folgt die
Beicht vnd Absolutio.

Lieben freundt/wir werden auß den Buspredigen bericht/ das niemandt/ so seine Jar erreicht hat/zur verzeihung der Sünden kommen mag/er erkenne dann seine Sünd/vnd laß jme dieselbigen von hertzen leid sein/glaub auch/das jm sein Sünd von Gott auß lauter gnaden vnd barmherzigkeit/von wegen Ihesu Christi/vergeben werden.

Vnd aber ihr der verzeihung der Sünden/vnd sterck des Glaubens begeren/ so solt ihr mir auß grundt ewrer hertzen die offne Beicht nachsprechen/vnd darauff das Euangelium/oder Absolution anhören/damit ihr euch/der rew vber die Sünd vor Gott warhafftiglich bekennen/vnd auß der Absolution/der verzeihung der Sünden/vergwist vnd versichert werden.

Die

Vom Nachtmal Die offne Beicht.

Ich armer Sünder bekenne mich Gott meinem Himlischen Vater/das ich leider schwerlich vñ manigfaltiglich gesündigt hab / mit allein mit eufferlichen groben Sünden / sondern viel mehr mit innerlicher angeborner blindtheit/vnglauben/zweiffelung/kleinmütigkeit/vngedult/hoffart/bösen lüsten/geiz / heimlichem neidt/haf vnd misuergunst / wie das mein Herzgott an mir erkennet / vnd ich leider so vollkommenlich nicht erkennen kan / Aber es reu-
et mich / vnd ist mir leid / vnd beger von hertzen gnad von Gott / durch seinen lieben Sohn Ihesum Christum.

Form der Absolution.

Der Allmechtige Gott hat sich ewer erbarmet / vnd durch den verdienst des allerheiligsten leidens / sterbens / vnd aufferstehens vnseres Herren Ihesu Christi seines geliebten Sohns / vergibt er euch alle ewre Sünd / Vnd ich als ein verordneter Diener der Christlichen Kirchen / verkündige euch auß befehl vnseres Herren Ihesu Christi / solche vergebung aller ewerer Sünden / im Namen Gottes des Vaters / vnd des Sohns / vnd des Heiligen Geistes / Amen.

Oder

Oder also:

In der einsetzung des Predigampts des heiligen Euangelij/hat Ihesus Christus zu seinen Aposteln gesagt/Wer euch höret/der höret mich/vñ welchem jr die Sünde verzeihet/dem seind sie verziehen/vnd welchem jr sie behaltet/dem seind sie behalten/Auß vermög dises befehls Christi/sprich ich euch aller ewerer Sünd frey/ledig vnd loß/das sie euch allzumal sollen vergeben sein/so reichlich vnd vollkommen/als der Herr Ihesus Christus dasselbig durch sein leiden verdient/vnd durchs Euangelium in alle Welt züpredigen befohlen hat/im Namen des Vaters/vñ des Sohns/vnd des Heiligen Geists/Amen.

Nach diesem folge das Gebet.

Allmechtiger Gott/Himlischer Vater/seitemal wir dir nicht/dann allein in deinem geliebten Sohn vnserm Herren wolgefallen mögen/so heilige vnser Leib vñ Seel/vnd gib vns sein selige gemeinschaft/in seinem heiligen Abendmal/mit recht gleubiger begird vnd danckbarkeit zü entpfahen/das wir deiner ewigen güte vnd liebe gegen vns abermals getröset/vnd in dem newen lebē gestärckt/dir zum preis deines Göttlichen Namens/vnd besserung deines

f

Volcks/mit mehr fleiß vnd forcht/leben vnd dienen
mögen / Durch denselben vnsern Herren Ihesum
Christum/Amen.

Last vns weiter beten.

Vnser Vater/der du bist im Himmel/ Geheiligt
werd dein Name/Zükom vns dein Reich/ Dein wil
geschehe auff Erden wie im Himmel / Vnser täglich
Brot gib vns heut / Vnd vergib vns vnser schuld/
als wir vergeben vnsern schuldigern / Nit füre vns
in versuchung / Sondern erlöse vns von dem bö-
sen. Dann dein ist das Reich / vnd die Krafft / vnd
die Herlichkeit/von ewigkeit zü ewigkeit/Amen.

Auff dieses sol der Kirchendiener nach dem er züvor Brot
vnd Wein/zü des Herren Nachtmal für sich gestellet/die stift-
ung des Nachtmals / wie es die Euangelisten/ vnd Sance
Paulus beschrieben / mit lauter / verstendlicher stim verlesen/
wie folget.

Die wort oder stiftung des Nachtmals.

Vnser Herr Ihesus Christus / in der nacht/da
er verrathen ward / nam er das Brot / danckt vnd
brachs / vnd gabs seinen Jüngern vnd sprach: **Ne-
met**

met hin/vnd esset/das ist mein Leib/der für euch gegeben wird/Solches thut zu meinem gedechtnus.

Desselben gleichen nach dem Abendmal/nam er den Kelch/dancket/vnd gab in den vnd sprach: Trincket alle darauf/diser Kelch ist das Newe Testament in meinem Blut/das für euch vergossen wirdt/zü vergebung der Sünden/Solches thut/so oft ihrs trincket/zü meinem Gedechtnus.

Als baldt gehet das Volk hinzu ordentlich/vnd empfa-
het an einem ort des Altars den Leib Christi/am andern ort
das Blut Christi.

Vnd sol der Kirchendiener in darreichung des Leibs
sprechen:

Nim hin vnd is/das ist der Leib Christi/der für
dich gegeben ist.

In der darreichung des Bluts sprech er:

Nim hin vnd trinck/das ist das Blut des Newen
Testaments/das für deine Sünd vergossen ist.

Vnter diser reichung sing die Kirch/Ihesus Christus vnser
heiland/Oder/Gott sey gelobet vnd gebenediet/etc.

So nun die Communicanten alle vericht/vnd mit dem
Nachtmal versehen/sol der Kirchendiener/der folgenden Gebet
eines fürsprechen.

Danckſagung nach dem Nachtmal.

Laß vns beten.

O Allmechtiger / ewiger Gott / wir ſagen deiner Göttlichen milde lob vnd danck / daß du vns mit dem heilsamen fleiſch vnd Blüt deines einigen Sohns Iheſu Chriſti vnſers Herren / geſpeiſet vñ getrencket haſt / Vñ bitten dich demütiglich / du wölleſt durch deinen Heiligen Geiſt / in vns wirken / wie wir das heilig Sacrament mit dem mund haben empfangen / daß wir auch alſo dein Göttlich gnad / vergebung der Sünden / vereinigung mit Chriſto / vnd ewigs Leben / welches alles du vns in diſem deinen heiligen Sacrament / ſo gnediglich angeboten vnd geben haſt / mit feſtem glauben begreifen / vnd ewiglich behalten mögen / durch vnſern Herren Iheſum Chriſtum / Amen.

Ein andere Danckſagung vnd
Gebet.

Wir dancken dir Herz Iheſu Chriſte / daß du vns durch diſe heilsame gaben deines Leibs vnd Blüts erquicket haſt / Vnd bitten dein barmherzigkeit / daß du vns ſolches gedeien laſſeſt / zu einẽ ſtarcken

cken Glauben gegen dir / vnd zu brünstiger lieb vn-
ter vns allen / der du mit Gott dem Vater / in einig-
keit des Heiligen Geists / lebest vnd regirest jimmer
vnd ewiglich / Amen.

Form des Segens.

Der Herz gesegne dich / vnd behüte dich.

Der Herz erleucht sein angesicht vber dich / vnd
sey dir gnedig.

Der Herz erhebe sein angesicht auff dich / vnd
geb dir den Friden / Amen.

Oder also:

Gott sey vns gnedig vnd barmherzig / vnd geb
vns seinen Göttlichen Segen / Er laß vns sein Ant-
lig leuchten / vnd geb vns seinen Friden / Amen.

Oder also:

Gesegne vnd behüte vns Gott der Vater / vnd
Sohn / vnd Heiliger Geist / Amen.

VI.

Von besüchung vnd Communion
der Krancken.

Der Allmechtig / barmherzig Gott
hat sich der elenden vnd betrübten/
die seinen Namen auß rechtem ver-
trauen anruffen / so gnediglich ange-
nommen / das er nit allein jnen allen
Väterlichen schutz vnd hülfß verspricht / sondern für-
t auch vnter den zünamen seiner Maiestet / fürnem-
lich disen Titel / das er sei ein züflucht der elenden /
ein Heiland deren / so da sein eines zerknizstens her-
zen / vnd hat auch zü mehrmalen ehe wöllen den na-
türlichen lauff Himmels vnd der Erden verendern /
dann die Elenden in jrer not verlassen.

Pfal. 5.

Iosu. 10.
Efa. 38.

Matth. 11.

Neben dem / so rufft auch der Sohn Gottes
alle betrübte zü jm / vnd verspricht jnen hülfß. Kompt
alle zü mir / die jhr beschwerd vnd beladen seid / ich
wil euch erquicken.

Nun sein die Krancken nicht die geringsten vn-
ter den beschwerten vnd beladnen / als die so nit al-
lein jhrer leiblichen franckheit halben / sondern auch
von wegender Sünden / des Todts / vnd der ver-
damnuß /

Dannus/deren sie durch die franckheit erinnert werden / grosse beschwerliche bekümmernus vnd anfechtung haben.

Darumb sollen sich auch die Kirchendiener der Krancken/so sie jres Kirchendienstes begerē/ mit allem ernst vnd fleiß annemē/vnd denselben / vermög jres beruffs/Christlichen trost beweisen.

Es sihet vns auch auß allerley bewegenden vrsachen/für gut an/das die Kirchendiener/auch denē Krancken/so jrer mit begeren/jren guten willen vnd dienst / durch sich selbs / oder jhre verwandten vnd zügethanen/erzeigen vnd anbieten.

Vnd nach dem die betrübten/beide durch Predig vnd Sacrament getröstet werden mögen / So sol ein Kirchendiener/der zü einem Krancken beruffen wirdt / anfänglich warnemen / wie es mit dem Krancken der beschwerde vnd bekümmernus halben/ein gestalt habe.

Nemlich ob er jm allein den leiblichen schmerzen laß anligen/oder ob er auch der Sünden/vnd vmb der verdannus halben beschwerdt trage / Wie es nun der Kirchendiener befindt/ also soler auch sein vnterweisung vnd tröstung / mit erklerung Göttlichs zorns vñ gnaden darnach richten/das der vnachtsam in erkantnus seiner Sünden/vñ daruff zur begird

begird Göttlicher gnaden geführt / der betrübt aber vnd erschreckt in seinem gewissen / mit dem Euangelio getröst werde.

Darnach sol der Kirchendiener sich gegen dem Krancken halten / mit erzehlung der gemeinen offentlichen Beicht / vnd Absoluirung / wie es mit den gesunden gehalten / vnd hieoben im Titel von dem Abendmal beschriben ist.

Vnd dieweil das Sacrament des Nachtmals von vnserm Herren dahin gemeint vnd verordnet ist / das durch desselben niessung das blöd / zaghasst gewissen / in rechtem glauben vnd vertrauen gesterckt werde.

Vnd aber der Kranck in ansehung das er durch schwachheit des leibs / zur schwachheit des Glaubens vielfeltig gereizt / vnd in allerley ansechtung gezogen wird / der sterckung des Glaubens fast nottürfftig ist / so sol er auff sein Christlich / gebürlich beger / vnd bekandtnus seiner Sünd / auch Glaubens in Ihesum Christum / mit dem Sacrament des Nachtmals / versehen werden.

Dann wiewol das Nachtmal fürnemlich in gemeiner versammlung der Kirchē zūhalten ist / Jedoch dieweil Christus spricht: Wo zween oder drey in meinem Namen zusammentommen / da bin ich mitten vnter jnen / So gibt er hiemit zūerstehen / das
auch

auch ein Kirch Christi sey / wo sich ein Kirchendiener vnd ein Krancker im Namen Christi beyeinander funden. So ist der Kranck / der warhafftig in Christum gleubt / nicht weniger ein Glied Christi vñ der Kirchen / dan ein gesunder / hat auch sein gerechtigkeit zu den Gütern der Christlichen Kirchen / vnter welchen das Sacrament des Nachtmals nicht das geringst ist / eben als wol als die gesunden / Darumb sol jm das Nachtmal / auff sein gebürlichs begeren / keins wegs abgeschlagen werden.

Es sol aber der Pfarherr die Leut vermanen / das sie in jr krankheit / mit dem begeren des Sacraments / nicht bis auff die letzte not verzihen / sondern sich bei zeit lassen anzeigen / damit sie zuuor verhört / vnterricht / vnd getröst werden mögen.

So nun der Kirchendiener auff die vnterrichtung / bekandtnus der Sünden / vnd Absolution / wie obē vermeldt / welches ein tag / so es gesein mag / oder auffs wenigst / etlich stund vor der empfahung des Nachtmals / mit dem Krancken verücht werden sol / das Nachtmal bey dem Krancken zūhalten fürnimpt / sol er aller ding mit der vermanung / Gebet / vnd verlesung der stiftung Christi / wie droben im Capitel vom Nachtmal Christi beschriben ist / aufrichten / Jedoch so die not der Krancken dermassen so groß würde / das es langen verzug nicht

erleiden möchte/ mag die vermanung aufgelaſſen/
das Gebet aber/ vnd die wort der ſtiftung Chriſti/
ſollen in alle weg geſprochen / vnd der Kranck mit
dem Sacrament Brot vnd Weins/ verſehen / auch
hernach mit tröſtliche ſprüchen der heilige Schriſt/
vnd Chriſtlichen Argumenten / zum vertrauen in
Herrn Chriſtum / zur gedult vnd gehorſam / erma-
net werden.

Es ſol auch der Pfarher die geſunden / bevor
ab die freundschaft vnd Nachbawſchaft ver-
manen / ſo das Nachtmal bey einem Krancken ge-
halten wird/ das ſie ſich auch darzu verſügen / Vnd
ob ſie ſchon ſelbs das Nachtmal nicht empfahen/
doch helffen beten/ vnd ihrer künfftigen not hiemit er-
innert werden.

VII.

Ordnung des Ehe einſegnens.



Es iſt wol vnd Chriſtlich bedacht/
daß die neuen Eheleut in der Kirchen vor der
Gemein verkündiget vnd eingegnet wer-
den / Dann wiewol der Ehelich contract/
gleich wie ſonſt ander weltliche contract/
möcht auch wol auff den Rathenfern / oder
andern gemeinen öffentlichen / ehlichen vnd bürgerlichen or-
ten verücht werden / jedoch dieweil in der erſten außbreitung
des

des heiligen Euangelions Christi/nach der Apostel zeit / sich viel funden haben/so den Ehelichen stand / für einen vnheiligen stand / mit dem die Kirch Christi nicht zürhun haben solt/ gehalten / Auch sich durch anrichtung des Satans / der aller Göttlichen ordnung feind ist / den Eheleuten in irē stand aller ley vnrichtigkeit begegnet/ darinnen die vergewissung irer Göttlichen zůsammenfügung ihnen in iren gewissen nötig. So ist es zur besserung der Kirchen fast nützlich/ das die newen Eheleut in öffentlichē versamlungen der Kirchen eingeseget werden/ damit menniglich darauff ermanet werde/ das der Ehestand an jm selbs ein ehlicher vnd Gott gefelliger stand sey/ das auch die Eheleut/ so ihnen was vnglücks begegnet / dar durch zur geduldt vnd anruffung Gottes bewegt werden mögen.

Es sol aber die verkündigung/ vnd einleitung mit folgen der ordnung beschehen.

Von Eheleuten/wie man die einleiten sol.

Zum ersten sol man die Leut darzů vermanen/ vnd dar ob halten / das die sich ehelich zůsammen verpflicht haben / sich gute zeit darvor/ ehe dan sie zů Kirchen gehen/ irem Pfarrer anzeigen/ auff das man sich möge erkündigen / ob solche Leut nach Göttlichem vnd natürlichen rechten/ on alle hinder nuß Ehelich mögen beieinander wonen/ vnd nit heut auß vnwissenheit zůsammen gegeben werden / die man darnach mit schand vnd ergernus wider von einander scheiden müsse. Darumb sol man forthin ein jeglich par Volck in Stetten/ Flecken vnd Dörffern drey mal in der Kirchen/ wenn die Gemein beieinander ist versamlet / öffentlich vnd also verkündigen.

Wie man verlobte Eheleute verkündigen sol.

U. vnd U. wöllen nach Göttlicher ordnung zum heiligen stand der Ehe greiffen/begeren zu solchẽ ein gemein Christlich Gebet/das sie disen Christlichen Ehelichen stand in Gottes Namen ansahen/vnd seliglichen zu Gottes lob volenden mögen/Vñ hat jemandt darein zusprechen/der thü es bei zeit/oder schweig darnach/vnd enthalt sich/etwas zu verthinderung darwider fürzunehmen/Gott geb jnen seinen Segen.

Wann sie nun in die Kirchen kommen/sollen sie in den fördern Stülen still bleiben stehen/bis die Schül oder Kirchen Psalmen/Wol dem der in Gottes forcht steht/etc. oder einen andern/hat gesungen/Darnach sollen sie zum Altar vor dem Pfarher treten/da als dann der Pfarher jnen von dem Ehelichen stand/nachvolgender weiß sol verlesen.

Es seind newe Eheleut herein kommen/mit namen U. vnd U. vnd wöllen in Gottes Namen jhr Eheliche pflicht vor der Christlichen Kirchen bestetigen lassen/vnd den Segen Göttlichs Worts empfangen/Hierauff das sie den heiligen Standt nicht mit vnuerstand Göttlichs Worts/wie die Vnglebigen/ansahen/so sollen sie zum ersten auß der heiligen

gen Schrifft vornemen/ wie der Ehelich stand von Gott eingesezt ist.

Gott der Herr sprach: Es ist nicht gut das der Mensch allein sey/ Ich wil jm ein gehülffen machen/ die vmb jm sei/ Da lies Gott der Herr einen trieffen schlaff fallen auff den Menschen/ vnd er entschlieff/ vnd nam seiner Rippen eine/ vnd schloß die stet zü mit Fleisch / Vnd Gott der Herr erschuff ein Weib auß der Rippen die er von dem Menschen nam / vñ bracht sie zü jme/ Da sprach der Mensch/ das ist doch Bein von meinen Beinen/ vnd Fleisch von meinem Fleisch/ man wird sie nach dem Manne heissen/ darumb das sie vom Man genommen ist / Darumb wird ein Man sein Vater vnd Mütter verlassen/ vñ an seinem Weib hangen / vnd werden sein zwey ein Leib.

Zum andern / sollen sie auch hören das heilig Euangelium / wie sie einander verpflichtet vnd verbunden sein sollen/ Matt. am 19. Die Phariseer traten zum Herrn Ihesu/ versüchten jm/ vnd sprachen zü ihm: Ists auch recht/ das sich ein Man scheid von seinem Weib/ vmb irgent einer vrsachen willen? Er antwortet vnd sprach/ Habt jr nicht gelesen/ das der im anfang den Menschen geschaffen hat/ der macht das ein Man vnd Weib sein solt/ vnd sprach: Darumb wird ein Mensch Vater vnd Mütter lassen/

vnd an seinem Weibe hangen/vnd werden die zwei ein Leib/Was nun Gott zusamment gefüget hat / dz sol der Mensch nicht scheiden Da sprachen sie/ Warum hat denn Moses gebotē zugeben eine Scheid brieff/vnd sich von jr züscheiden? Er sprach zü jnen/ Moses hat euch erleubt zü scheiden von ewerē Weibern/von ewers hertzen hertigkeit wegen / von anbegin aber / ist es nicht also gewesen. Ich sag euch aber/Wer sich von seinem Weib scheidet/ es sey dan vmb des Ehebruchs willen/vnd nimpt ein andere/ der bricht die Ehe/vnd wer die abgescheidne nimpt/ bricht auch die Ehe.

Zum dritten/so sollen sie auch das Gebot Gottes hören/ wie sie sich gegen einander halten sollen. Also schreibt S. Paulus / Ir Menner liebet ewere Weiber/wie Christus geliebt hat die Gemeine/vnd hat sich selbs für sie gegeben/auff das er sie heiliget/vnd hat sie gereiniget durch das Wasserbad im Wort/auff das er ihm selbs darstellt eine Gemeine die herzlich sei/die nicht habe einen flecken oder runzel/oder des etwas/sondern das sie heilig sey / vnd vnstrefflich. Also sollen auch die Menner ire Weiber lieben / als ihre eigne Leibe. Wer sein Weib liebet / der liebet sich selbs / dann niemand hat jemal sein eigen Fleisch gehasset / sondern neeret es/
vnd

vnd pfleget sein / gleich wie auch der Herr sein Gemeine.

Die Weiber seien vnterthan iren Männern als dem Herren / dann der Man ist des Weibs haupt / gleich wie auch Christus das Heupt ist der Gemeine / vnd er ist seines leibes Heiland / Aber wie nun die Gemeine Christo ist vnterthan / also auch die Weiber iren Männern / in allen dingen.

Zum vierdten / sollen sie hören den Segen / damit vnser Herrgot de Ehelichen stand gesegnet hat / Dañ also stehet geschriben / Gott schuff den Menschen ihm selbs zum Bilde / Ja zum Bilde Gottes schuff er in / Er schuff sie ein Menlin vnd Frewlin / vnd Gott segnet sie / vñ sprach zū ihnen / Seid fruchtbar / vnd mehret euch / vnd füllet die Erden / vnd machet sie euch vnterthan. So spricht auch Salomon / Wer ein Weib vberkompt / 8 vberkompt was guts / vnd wird wolgefallen schöpffen vom Herren. Prou. 10

Zum fünfften / sollen sie auch hören das Creutz / so Gott auff den Ehelichen standt gelegt hat. Also sprach Gott zum Weibe: Ich wil dir viel schmerzen schaffen wann du schwanger wirst / du solt deine Kinder mit schmerzen geben / vnd dein wille sol deinem Man vnterworffen sein / vnd Er sol dein Herr sein. Vnd zū dem Man sprach Gott / Dieweil du Gen. 3.

du

du gehorchet hast der stimme deines Weibes / vnd
 gessen von dem Baum / dauon ich dir gebot / vnd
 sprach : Du solt nicht dauon essen / Verflucht sei der
 Zicker vmb deinet willen / mit Komier soltu dich dar
 auff nehren dein lebenlang / Dorn vnd Disteln sol er
 dir tragen / vnd solt das Kraut auff dem Felde es
 sen / Im schweis deines Angesichts soltu dein Brot
 essen / bis das du wider zur Erden werdest / dauon
 du genommen bist / Dan du bist Erde / vnd zur Er
 den soltu wider werden.

Zum sechsten / sol neben dem Creutz auch der
 trost / vnd vnterhaltung im Creutz vermerckt wer
 den / Dann vnser Herr Christus hat die Sünd / von
 welcher wegen der Mensch mit dem Creutz beladē
 wird / auff sich genommen vnd gebüßt / auch durch
 sein Creutz / das er von vnser wegen auff sich ge
 nommen / alle Creutz / denen so an in glauben / geseg
 net vñ geheiligt / Darumb sagt der Psalm / von dem
 Man / Wol dem der den Herzen fürchtet / vnd auff
 seinem Weg gehet / du wirst dich nehren mit deiner
 hand arbeit / wol dir du hast's gut. So schreibt auch
 Paulus vom Weib also / Dz Weib wird selig durch
 Kinder zeugen / so sie bleibt im Glauben vnd in der
 Lieb / vnd in der Heiligung / sampt der Zucht.

Ehe einsegnen.

57

Nach diesem verlesen/sprech der Kir-
chendiener also.

Ir newen Eheleut/wolt jr auff solche fürgeles-
ne stück ewer Helich pflicht bestetigen lassen?

Sprechen sie/ Ja.

Als dann sprech er zu dem Man.

N. wiltu N. hie zugegen zu deinem Helichen
Gemahl haben?

Darnach zu dem Weib.

N. wiltu disen N. zu deinen Helichen Ge-
mahl?

Als dann heiss sie der Pfarherz die Hende zusammen ges-
ben vnd sprech:

Ewer beide Helich pflicht/so jr hie vor Gott/
vnd der Heiligen Chrißlichen Kirchen thun/beste-
tige ich euch in dem Namen des Vaters/vnd des
Sohns/vnd des Heiligen Geists/Was Gott zu-
sammen gefügt hat/das sol der Mensch nit scheiden.

Last vns beten.

Allmechtiger ewiger Gott/der du Man vnd
Weib geschaffen/vnd zum Ehestandt verordnet
hast/dazu mit fruchten des Leibs gesegnet/vnd das

Sacrament deines lieben Sohns Ihesu Christi/
vnd der Kirchen seiner geliebten Braut darin be-
zeichnet/ Wir bitten deine grundtlose barmherzig-
keit/ du wöllest solch dein geschöpff/ ordnung vnd
Segen nicht lassen verrucken/ oder vntergehen/ son-
dern gnediglich in vns bewaren / durch Ihesum
Christum vnsern Herrn / Amen.

Difem Gebet folg das Vater vnser vom Pfarhern von
wort zu wort gesprochen/ vnd darauff der Segen.

VIII.

Von Feyertagen.

Difenachgeschubne Feyertag sollen ges-
gehalten werden.



Alle Sontag.
Der Chrustag.
S. Steffans tag.
S. Johans tag.
Der New Jarstag.
Drey heiligen König tag.
S. Paulus bekerung.
Marien Liechtmes.
Matthies des Apostels tag.

Marie verkündigung.
 Grün Donnerstag } halb.
 Karfreytag }
 Oskertag/sampt dem folgenden Montag.
 Philippi vnd Jacobi.
 Himmelfart Christi.
 Der Pfingstag sampt dem folgenden Montag.
 Joannes des Teuffers. }
 Petri vnd Pauli. } jeder halb.
 Marie heimsuchung. }
 Jacobi. }
 Bartholomei. }
 S. Mattheus tag.
 S. Michels oder aller Engel tag.
 Simonis vnd Jude.
 Andree.
 S. Thomas.

IX.

Vom Begrebnuß.


 Sein Leich verhanden/sol an den orten da Schülen sein / der Pfarherz vnd Schulmeister mit gehen / vnd erstlich singen / Mitten wir im leben sein/etc. darnach wañ man den Tod

S ij

ten ins Grab legt / das Gesang / Nun laßt vns den Leib begraben. Auff dieses thue der Pfarherr ein vermanung auß Gottes Wort auff dem Kirchhoff oder Kirchen/welches am brenchlichsten vnd gelegnesten ist / von der Sünd / von allerley vnglück / vom zeitlichem vñ ewigen Todt / von dem verdienst Christi / von der Auferstehung / vom ewigen Lebē / vnd dergleichen / Vnd besleiß sich / das sein Predig / vnd des verstorbenen leben vnd abschied / mit einander vber ein stimmen / darnach beschließ er mit einem bequemen Gebet vnd Segen.

Wo aber keine Schulen sein / sol dennoch der Pfarherr mit der Leich gehen / vnd auff ob erzelte weiß ein vermanung thun / vnd darnach mit dem Gebet vnd Segen beschliessen.

X.

Von der Visitation.

Welcher gestalt die Visitation der Kirchen / Item die Synodi mit den Pfarhern gehalten werden sollen.



Als die Visitation der Kirchen ein Gottselig / nützlich vnd notwendig werck sey ist niemand verborgen / Derhalten solche Visitation alle jar im Fröling zwischē Ostern vnd Pfingsten gehalten / vnd darzu ehliche Person

Personen / Geistlich vnd Weltlich / von der Oberkeit / auch in einem jeden Ampt / der Amptman / fürnemste Pfarherr / vnd Kirchenschaffner / gezogen sollen werden.

Die form aber der Visitation sol folgender gestalt gehalten werden.

In einer jeden Pfar / sollen die Visitatores einen ganzen tag verharren.

Erstlich sol vor Mittag der Pfarherr der Stadt / Flecken oder Dorffs / in der Kirchen sein Ceremonien / Gesang vnd Predigen halten / allermassen wie er sonst am Sonntag pfleget.

Nach der Predig vnd Gesang / sollen die geistlichen Visitatores den Catechisimum fragen / vnd sehen ob die Leut / besonders die Jugent / beten könne / sie auch vermanen / daß sie gern beten / das Nachtmal des Herren offft / vnd mit einem verstand brauchen / sonderlich aber fleiß ankeren / damit die Kinder vnd jung Volck sein züchtig vnd verstendig / nicht lecherlich / zü behend / oder dergleichen / beten lernen.

So der Catechisimus gehört ist / sol der weltlich Visitator das gang Volck anreden / ohngeferlich mit disen oder dergleichen Worten.

Lieben freundt vnd Christen / Der Wolgeborenen vnser Gnediger Herz / Herz Philips Graff zü Hanaw / vnd Herz zü Liechtenberg hat auß schuldiger pflicht vnd Amptserforderung / euch seinen lieben Unterthanen das Euangelium nun etlich Jar / durch trewe gottselige Prediger / lassen fürtragen vñ

verkündigen / angesehen das ire Gnaden mit weniger der Vnterthanen Seelen seligkeit / als leiblichen schutz vñ schirm zübedencken schuldig. Damit aber ire Gnade möchten sehen / wie solche J. G. gehabte mühe vnd sorg angelegt / haben dieselbige itziger zeit / vnd auff den heutigen tag / J. G. Amptman / Rāth / vnd Diener / Geistlich vnd Weltlich hieher verordnet / dasselbig züerforschen / So haben wir demnach itzunder ewres herin Pfarheris Predig vnd Ceremonien / Item den Catechismum / vnd wie ewer jugent in Gottes Wort vnterweisen / angehört / an dem wir ein zimlich wolgefallen tragen / wöllen auch solches vnserm G. S. wie billich / anzeigen / der tröstlichen züuersicht / J. G. werden auch sehr wol züstridē sein. Darneben aber sollen ihr Eltern / Vater vnd Mütter / Meister vñ Frawen / mit fleiß anhalten / dz ewer Kind vnd Gefind / in der lernung des Catechismi fortfaren / vnd das jenig / so ihnen daran noch manglet / genzlich auflernen. Demnach auch noch etlich sachen der Kirchen zü gut sollen gehandelt werden / so ist im namen vnser G. S. vnser ernstlich befehl / das die Gerichts Personen / Kirchenschöffen vnd Censores nach dem morgenmal / sich finden lassen / Die andern / Man vnd Weiber / mögen heimziehen / vnd irer arbeit warten / doch dergestalt / da jemand auffss feld ginge / das er daheimen bescheid lasse /

lasse/wa er/do man seiner bedürffrig/vnd in beschickten müste/zufinden were. Leglich/das alle Bürger vn̄ einwohner auff den Abend vmb vier oder fünff Ohren/ongeferlich/so jr die Glocken hören/wider vnter die Laube oder Stuben zusammen/Solches alles versehen wir vns/jr als die gehorsame vnser G. H. vnterthanen/ohn beschwerd thun werden.

So aber etwas strefflichs/sonderlich im Catechismo befunden/so wirdt dasselbig auch angezeigt/vnd die besserung befohlen/ongefehlich auff dise weis.

Wir haben die Predig vnd Catechisium gehört/befinden aber grossen mangel an den Jungen vnd Alten/nemlich das sie nit beten können/welches einem Christen menschen sehr vbel ansteht/vn̄ darab vnser G. H. ein vngnedigs/vnd groß misfallens wird haben/Derhalben wir euch ernstlich vermanen/hinsurt euch zu bessern/vnd den Catechisium fleisiger besüchen vnd lernen/welches wir zu euch vns genzlich versehen.

Nach gethaner diser red/beschleust der Pfarheri gemelts Orts/die ganz handlung mit der Collecten vnd Segen.

Nach dem morgen essen werden als bald/der Pfarheri/Schulthes/Heimburger/Gerichtschöffen vnd Censores erfordert/vnd vom geistlichen Visitator auff folgende weis ongefehlich angerebt.

Lieben freundt / Ihr habt heut morgen in der Kirchen von N. vnser G. H. Rath gehört/welcher gestalt/

gestalt/vnd von wes wegen wir von vnserm G. H. alher abgefertiget sein/nemlich das wir die Kirchen besehen/vnd da etwas were züuerbessern / das güt zü fürdern/ das böß abzüstellen/das wir allen möglichen fleiß fürwenden sollen / Welchen befehl wir auch nachzusetzen gedenccken / Derhalben wir euch hieher erfordert/begerend/das jr vns auff die Artickel / so wir euch vorhalten werden / warhafftigen bericht/niemand zü lieb oder zü leid/geben wöllen.

So nun der Pfarher: sampt den andern solchs zü thun versprechen / werden sie alle abzütreten gewisen / vnd darnach der Pfarher: allein gefordert/vnd von disen Artickeln befraget.

1. Ob die Pfarckinder fleißig zur Kirchen gehen/in der Predig bleiben / das Sacrament gern vnd offt gebrauchen / Ine den Pfarher: der gebür nach lieben vnd ehren/Oder ob sie die Kirch/Gottes Wort vnd Sacramenten / verachten / ihne oder andere Kirchendiener schmehen oder schenden.
2. Ob auch vnter den Pfarckindern irthumb sey im Glauben/als Papistisch/Zwinglisch/Widerteufer/vnd dergleichen.
3. Ob die Pfarckinder sich nach empfangnē Nachtmal volsauffen / spielen / zancken / hadern / ropffen / schlagen/tanzen/fluchen/oder ander leichtfertigkeit treiben.

4. Ob

4. Ob Zauberey/Segen/mit krancken Kindern/
Diehe/oder sonst getriben werde.
5. Ob etlich noch Walsarten gehn.
6. Ob flüchen/schweren/Gottsestern getriben
werde.
7. Ob die Eltern ire Kinder daheimen zum beten
ziehen/abends/morgens/vnd zum Tisch/Item zur
Predig/sonderlich zum Catechismo/vnd nicht viel
mehr zum müßiggang/vnd leichtfertigkeit.
8. Ob die Kinder züchtig/gelernig/vnd der El-
tern Christliche/auch notwendige nützliche verma-
nung/vergut nemen/vnd folgen.
9. Ob Eheleut vneins/zweytrechtig sein/oder
sonst vbel leben/Item/Ehebruch/Hurerey/verlauff-
ten/schampare wort getriben/vñ verdecktliche Kun-
ckelstuben/Gesellschaft/nacht Denze/vnd derglei-
chen gehalten werden.
10. Ob auch wucher/fürkauff/vnd steigerung ge-
triben werde.
11. Von liegen/triege/affterreden/bösen leumund/
Ehr abschneiden/etc.
12. Ob er der Pfarherr ein Register halte/darin-
nen die getaufften Kinder/Hochzeit leut/vnd Ab-
gestorbne personen verzeichnet werden.

Was nun auff jeden Artikel mangelhafftige vom Pfarherz angezeige/ das wird in sonderheit auffgeschriben.

Nach des Pfarherz abtretten/ wird der Amptman auff folgende Artikel befraget.

Vom Pfarherz.

1. Von seiner Lehr/was vnd wie er predige/ob er der heiligen Schrift/vñ der Augspurgischen Confession gemess lehre / Ob er etwas irriges / falsches / oder leichtfertigs auff die ban bring / Item ob er mit die Predig mit holhiperey/rachgirigen schmehworten / vnd dergleichen sachen zübring.
2. Ob er die heilige Sacrament recht / fleisig vnd williglich reiche/besonders in der not/mit Kindern/ Kindbetterin/ Krancken / etc. vnd nicht etwan die Kinder mit dem Tauff/ die Alten mit dem Nachtmal verseume.
3. Ob er den Catechismum mit den Kindern am Sonntag vnd Feyertage fleisig treibe.
4. Ob er auch fleisig studire/vnd nicht die zeit mit spaziren/gesellschaft/zehen/ oder sonst handtirung zübring.
5. Ob er nit mit Papistischer / Zwinglischer / Wiederteufferischer / vnd dergleichen irthumb behafft sey.

6. Wie er daheimen mit Weib/Kind/vnd Nachpaurn/Item/andern Pfarhern seinen Mitbrüdern/auch Amptleuten sich vertrage.

Wo nun der Amptman auff solche fragen geantwort/sol er auch von den andern/hieoben verzeichneten/vnd dem Pfarherr fürgetragnen Artickeln/befragt/vnd sein bericht auffgezeichnet werden.

Nach gethaner des Amptmans bekandtnus / sol der Schulthes vnd das Gericht/Item die Heimbürger / vnd die Kirchenschöffen sampt den Censorn / allzúsammen beruffen/vnd obgemelter Artickel wie der Amptman befraget / vnd die mengel auffgezeichnet werden.

So nun gemelte Personen alle verhört / sollen sie alle zúsammen gefordert / vnd in gemein von disen Puncten befraget werden.

1. Wie es mit den Kirchen / vnd iren einkommen/ein gestalt hab.
2. Vom Almusen stock oder Gottskasten/vnd wo das Gelt hin gewendet werde.
3. Wie die Schul bestellt / vnd derselbigen vorgestanden werde/Item/wie es mit dem Sigristen ein gestalt habe.
4. Vom Gebew der Kirchen / Pfarhaus vnd Schulen.
5. Von Spitaln / vnd wie derselbigen gepflegt werden/Item/Gütenleuthaus.
6. Vom Kirchhoff vnd Begrebnus.

7. Von Hebammen.
 8. Ob vnter Amptleuten/Gerichten/Kirchen vnd Schuldienern vneinigkeith oder zweytracht sey.

Was nun für mengel angezeigt/ sol auch auffgeschriben/ vnd alle abzütretten vermanet werden.

Als dann sollen die Visitatores alle mengel erwegen/ vnd die gemeinen klagen/ sonderlich die priuat Personen belangen/ auch sonderlich beschreiben/ nach den beklagten Personen schicken/ vnd mit einem jeden in sonderheit nach gelegenheit der sachen handeln/ Nemlich die klag anzeigen/ zur besserung vermanen/ vnd so er dieselbig zusagt/ hinzulassen/ Da er aber hartstarrig vnd vnbusfertigkeit vermerckt/ ernstlich anzureden/ vnd mit der harten straff gegen im züerfahren.

Vnter diser handlung sol die Glock geleutet/ vnd die Gemein zusamen beruffen werden.

So dieselbig nun verhanden/ sol der geistlich Visitator in beisein der andern/ das Volck anreden/ vnd die mengel nach einander erzelen/ vnd warumb ein jeglichs vnrecht oder vnleidlich/ erklaren/ mit ernstlicher vermanung/ davon abzüstehn/ vñ sich besserlich zü halten/ Wo nicht/ so sol der Pfarher/ beneben dem Schultheffen vñ Censouibus/ das Jar vber etlich mal/ so offft die notturfft erfordert/ zusamen kommen/ vnd die Personen so lasterbafftig befunden/ Erstlich mit worten zur besserung vermanen/ vnd so solchs nichts aufrichtet/ nachmals vmb ein j. ß 8. oder nach gelegenheit der sachen straffen/ welches gelt den armen außgeteilt sol werden. Vnd da einer oder mehr/ so veracht vnd gottlos erfunden/ das er auch durch diese straff nit abzüstehn begert/ den Visitatorn angezeigt/ damit gegen solchem grösserer ernst fürgewendet werde/ vnd also lezlich in Gottes Namen hinzihen lassen.

XI.

Von den Synoden oder Capiteln
der Pfarhern.

Da vnser lieber Herz vnd Heyland
Ihesus Christus an seinem letzte end
im Garten seine Jünger vermanet/
sie sollen wachen vnd beten / das sie
nicht in versuchung fallen / hat er an
seinen schlaffenden Jüngern wol gesehen / wie es mit
der zeit / vmb die liebe Kirch stehen / vnd wie diesel-
big durch dē Teuffel / die Welt / allermeist aber durch
hinlesigkeit der Prediger / jemerlich vnd elendiglich
verderbet würde werden / Wie dann / die warheit
zū sagen / alles jamer vñ vbel in der Kirchen anfang-
lich vnd vrsprünglich / von der Kirchen dienern her-
kommen / Derhalben die lieben Apostel vnd alten
Väter / Visitationes vnd Concilien / entweder dem
künstigem vbel zū wehren / oder das böse so gegen-
wertig / abzūstellen / wie wir Acto. 6. 15. vnd an mehr
orten sehen / verordnet vnd gehalten / Welchem ex-
empel wir auch billich nach sollen folgen.

Derwegen für gut / nützlich vnd notwendig an-
gesehen / alle Jar in dem September zween vnter

schiedliche Synodos in der Herrschafft Liechtenberg/vns Philipsen de Eltern/Graffen zu Hanaw/vnd Herrn zu Liechtenberg züsendig/zühalten/einen zu Wilstet/an welches ort die Pfarherz gemelts Ampts/vnd die in Ampt Lichtenaw auff einen gewissen tag zükommen/bescheiden/Den andern aber in der wochen darnach zu Buchsweiler/dahin des selben/Item/Balborner vnd Hattgawer Ampts Pfarherz/erfordert sollen werden.

So dieselbigen auff bestimpten tag verhanden/sol zünor ein Predig/so zur sachen dienstlich/in der Kirchen geschehen.

Nach beschener Predig/sollen die Pfarherz alle an das orth/da sie hin bescheiden/sich verfügen/vnd ein jeglicher nach der ordnung des fleckens/darin er Pfarherz ist/gesetzt werden.

Als dann sol die weltlich Person vnsers G. H. Rath/so darzü geordnet sein wird/anzeigen/auf was vrsach sie die Pfarherz beschriben/vñ wie man fürhabe mit jnen ein freuntlichs/gottseligs/nicht zencisch oder Captios gesprech zühalten/derhalbē sie willig vnd gern bey solchem gegenwertig sein/vnd Christliche antwort geben sollen.

Nachmals sol die verordnet geistlich Person/die sachen mit einem Lateinischen Gebet zu Gott ansahen/

anfahen/ vnd so dasselbige volendet/ ein stück Christlicher Lehr für sich nemen/ vñ damit ordentlich procediren/ alle spitzfindige / listige vnd seltsame fragen vermeiden / allein was Gottselig / Christlich / vnd ad ædificationem dienstlich / auffss freundlichst / ohn alle bitterkeit / rachgirikkeit / süchung eigener ehre vnd hoffart / auff die ban bungen / damit von jederman nichts anders gespürt / den das durch ihnen die ehre Gottes / nutz der Kirchen / vnd Kirchendiener gesücht werde.

Nach dem aber diß Colloquium sich in die lengge erstrecket / sol der halb theil der Artickel oder Locorum vor dem morgen essen / der ander halb theil hernach gehandelt werden.

Nach volendung dises Colloquij / sol man mit der dancksagung beschliessen.

Nach gehaltenem Synodo / sollen die Pfarherin von jren Kirchen Registern / darinnen die namen der Hochzeit vnd newen Eheleut / getaufften Kinder / Geuattern / vnd verstorbnen verzeichnet / befragt werden.

Item / ob ein Pfarherz der Lehr / Sacramenten / Lebens oder sonst sachen zübesprechen / soles auch gehandelt werden.

Letzlich so ein oder mehr Pfarherr etwas beschwerden hett anzüzeigen / sol er der gebür nach verhöret / vnd den beschwerden abgeholfen werden.

XII.

Collecten oder Gebet in der Kirchen/
mit der Gemein / der zeit nach/
zü Gott zü sprechen.

Für die gemein Christliche Kirch / vnd
derselben Diener.

Matth. 9.

Allmechtiger / gütiger / Gott vnd Vater vnseres Herren Ihesu Christi / der vns ernstlich befohlen hat / das wir dich vmb Arbeiter in deine Erndte bitten sollen / wir bitten deine grundtlose Barmherzigkeit / du wöllest vns rechtschaffne Lehrer vnd Diener deines Göttlichen Worts zü schicken / vnd denselben dein heilsames Wort in ihr Hertz vnd Mund geben / das sie deinen befehl trewlich aufrichten / vnd nichts Predigen / das deinem heit

heiligen Wort entgegen sey/auff das wir durch dein himlisch ewigs Wort ermanet / gelehrt / gespeist / getröst vnd gesterckt werden / vnd thun was dir gefellig / vnd vns fruchtbarlich ist. Gib Herz deiner heiligen Chrustenheit deinen Geist vnd Göttliche Weisheit / das dein Wort vnter vns lauff vnd wachse / vñ mit aller freidigkeit / wie sichs gebürt / geprediget / vnd dein heilige Chrustliche Gemein dardurch gebessert werde / auff das wir mit beständigem Glauben dir dienen / vnd in erkantnis deines Namens bis an das end verharren / Amen.

Für die weltlich Oberkeit.

Allmechtiger ewiger Gott / in welches Hand bestehet aller Menschen Gewalt vnd Oberkeit / von dir zur Straff der Bösen / vnd wolart der Frommen eingesetzt / in welches Handt auch stehen alle Recht vnd Gesetz aller Reich auff Erden. Wir bitten dich / sihe gnediglich auff deine Diener / den Römischen Keiser / alle König / Fürsten vnd ordentliche Oberkeit / vnd sonderlich auff vnsern Gnedigen Herren / auch alle seine Råth vnd Amptleut / damit sie das weltlich Schwert / inen von dir befohlen / nach deinem Befehl in deiner Forcht füren mögen. Erleucht vnd erhalte sie bey deinem Göttlichen Namen / gib

in lieber Herz Weisheit vnd verstand/ vnd ein frid-
lich Regiment/ auff das sie alle ire Vnterthanen im
frid/ruhe vnd einigkeit beschirmen vnd regiren/ er-
lengere ihnen O Gott vnser Heils ire tag/auff das
wir vnter ihrer Herrschafft/sampt iuen/deinē Gött-
lichen Namen heiligen vnd preisen mögen/ durch
vnsern Herren Ihesum Christum/Amen.

**Für allerley bekümmernuß
vnd anfechtung.**

O Allmechtiger Herz Gott/ der du der Elen-
den seufftzen nicht verschmehest/ vnd der betrübten
Herzen verlangen nicht verachtest/ sihe doch an vn-
ser Gebet/welches wir dir in vnser not fürbringen/
vnd erhör vns gnediglich/ das alles so beide vom
Teuffel vnd Menschen wider vns strebt/ zu nicht/
vnd von der Gnad deiner Güte zertrent werde/
auff das wir von aller Anfechtung vnuerferet/dir in
deiner Gemein dancken/vnd dich alzeit loben/durch
Ihesum Christum vnsern Herren/Amen.

O Herz Gott Himlischer Vater/ der du nicht
lust hast an der armen Sünder Todt/lessst sie auch
nicht gern verderben/ sondern wilt das sie bekert
werden vnd leben/ Wir bitten dich herzlich/ du
wöls

wöllest die wol verdiente Strass vnserer Sünden
gnediglich abwenden / vnd vns forthin zu bessern/
dein Gnad vnd Barmhertzigkeit miltiglichen ver-
leihen / vmb Ihesu Christi vnseres Herren willen/
Amen.

Vmb gemeinen Friden.

Allmechtiger ewiger Gott/ein König der Eh-
ren / vnd ein Herz Himels vnd der Erden / durch
welches Geist alle ding regirt/durch welches versee-
hung alle ding geordnet werdē/ der du bist ein Gott
des Fridens / von dem allein alle Einigkeit zu vns
kommet/Wir bitten dich durch vnsern Herrn Ihe-
sum Christum/ du wöllest vns vnser Sünd verge-
ben/vnd mit deinem Göttlichen Frid vnd Einigkeit
begnaden/damit wir in Forcht vnd Zittern dir dies
nen/zü lob vnd preis deines Namens/Amen.

Herz Gott himlischer Vater / der du heiligen
mut/guten rath/vnd rechte werck schaffest/Gib dei-
nen Dienern fride/welchen die Welt nicht kan gebē/
auff das vnser hertzen an deinen Geboten hangen/
vnd wir vnser zeit/durch deinen Schutz / stille vnd
sicher für Feinden leben / durch Ihesum Christum
deinen Sohn/vnsern Herrn/Amen.

Für die Feind.

Allmechtiger ewiger Gott/ der du vns befohlen hast/ das wir vnser Feind lieb haben sollen / denen die vns beleidigen guts thun/ vñ für vnser Verfolger bittē/ Wir schreien ernstlich zu dir/ das du alle vnser Feind wöllest gnediglich heimsuchen / ihnen ware rew jrer Sünden verleihen/ auch mit vns/ vñ der ganzen Christenheit/ ein freundliches Gotts fürchtigs/ einhelligs Gemüth vnd Hertz gebē/ durch vnsern Herren Ihesum Christum / Amen.

Für alle Schwangere Weiber.

Allmechtiger / ewiger Gott vnd Vater / ein Schöpffer aller ding / der du Man vnd Weib gnediglich gesegnet/ vnd dem Weib jren schmerzen zugeberē zu einem heiligen Creutz verordnet hast/ Wir bittē dich gütiger Vater/ du wöllest die Früchten jres leibs erhalten vnd bewaren/ vnd vnter dem Creutz in der kümmerlichen Geburt nit verderben/ sondern gnediglich mit freuden deiner hülff empfinden lassen / durch Ihesum Christum deinen lieben Sohn/ Amen.

Für die Früchten der Erden.

Allmechtiger/ewiger Gott/der du durch dein Wort alle ding erschaffest vnd gesegnest/Wir bitten dich/das du dein Wort/vnsern Herrn Ihesum Christum in vnser Hertz pflanzest / dardurch an vns gesegnet werde mit fruchtbarer wachung vnd Göttlichem gebrauch / alles was vns zur leiblichen notturfft dienet.

Folgend andere Gebet auff sonderere
Tag vnd fest.

In Aduentu.

Ach Allmechtiger Gott/himlischer Vater/weck vns auff/dz wir bereit sein/wan dein Sohn kompt/ in mit freuden züempfangen/vnd dir mit reinem hertzen zü dienen/durch denselbigen deinen Sohn Ihesum Chrustum vnsern Herrn/Amen.

Natiuitatis Domini.

Allmechtiger / ewiger Gott/hilff das wir der neuen leiblichen Geburt deines lieben Sohns teilhaftig/vnd von vnser alten sündtlichen Geburt er-

lediget werden / durch denselbigen deinen Sohn
Ihesum Christum vnsern Herren / Amen.

Alia.

O Allmechtiger Gott / wir bitten dich / du wöls
lest verleihen / das vns die new Geburt deines ein-
gebornen Sohns / durchs fleisch erlöse / welche die
alte dinstbarkeit vnter dem joch der Sünden gefan-
gen helt / auff das wir ine als einen Erlöser mit freu-
den auffnehmen / vnd wann er zu Gericht kommen
wirdt / sicher mögen anschawen Ihesum Christum
vnsern Herren / der mit dir in einigkeit des Heiligen
Geists lebt vnd regiert / warer Gott immer in ewig-
keit / Amen.

Purificationis Mariæ.

Allmechtiger ewiger Gott / wir bitten dich herzt-
lich / gib vns / das wir deinen lieben Sohn erkennen
vnd preisen / wie der heilig Simeon ihn leiblich in
die Arm genommen / vnd Geislich gesehen vnd er-
kent hat Ihesum Christum deinen lieben Sohn vn-
sern Herren / Amen.

Passionis Domini.

Barme

Barmherziger/ewiger Gott / der du deines ewigen Söns nicht verschonet / sondern für vns alle dahin gegeben hast / das er vnser Sünd am Creutz tragen solt / verleihe vns / das vnser Herzen in solchem Glauben nimmermehr erschrecken noch verzagen / durch Ihesum Christum deinen lieben Son / vnsern Herren / Amen.

Alia.

O Herz Gott Vater aller Barmherzigkeit / wir bitten dich / du wöllest gnediglich sehen auff dieses dein Volck vnd Hausgesind / vmb welches willen vnser lieber Herz Ihesus Christus / sich nicht gewergert vbergeben zu werden in die Hand der Sünder / vnd zügedulden die schmeliche pein des Creuzes / der mit dir lebt vnd regirt wahrer Gott in einigkeit des Heiligen Geists in ewigkeit / Amen.

Alia.

Allmechtiger Vater / ewiger Gott / der du für vns hast deinen Sohn des Creuzes pein lassen leiden / auff das du von vns des Feindes Gewalt treibest / verleihe vns also zübegeh'n / vnd dancken seinem Leiden / das wir dardurch der Sünden
verz

vergebung/vnd vom ewigen Todt erlöschung erlangen/durch denselbigen deinen Sohn Ihesum Christum vnsern Herren/Amen.

De Resurrectione.

Allmechtiger Gott/der du durch den Todt deines Sohns/die Sünd vnd Todt zu nicht gemacht/vnd durch sein Auferstehung/vnschult vnd ewiges leben widerbracht hast/auff das wir von dem gewalt des Teuffels erlöset/in deinem Reich leben/Verleihe vns das wir solches von ganzem hertzen glauben/vnd in solchem Glaubē beständig dich alzeit loben vnd dir dancken/durch denselbigen deinen Son Ihesum Christum vnsern Herren/Amen.

Alia.

O Allmechtiger Gott/der du durch deinen eingebornen Sohn vnsern Herren Ihesum Christum/vns nach vberwundnem Todt/hast eröffnet den zůgang zum ewigen Leben/vnd durch die Auferstehung der ganzen Welt heil verlihen/vnd ein Bund vnser Versöhnung dabey gemacht/Wir bitten dich/du wöllest vnser Begird zů solcher ewigkeit erwecken/vnd die himlische Gab der vollkommenen Freiheit verleihen/

leihen/auff das wir dasselbig Sacrament im Wand
del siren/welches wir im Glauben empfangen ha
ben/vnd das wir dem/so wir durch vnser bekant
nus preisen/auch mit der that nachfolgen/durch den
selbigen vnsern lieben Herren Ihesum Christum/
Amen.

De Ascensu Domini.

O Allmechtiger Gott/wir bitten dich/verleihe
das wir auch mit dem gemüt im Himmel wohnen/
was Himlisch ist slichen/vnd gesinnet seien/wie wir
glauben/das dein eingebornet Sohn vnser Selig
macher gen Himmel ist auffgefahren / durch denselbi
gen vnsern lieben Herren Ihesum Christum/Amen.

In die Pentecostes.

O Gott der du die Herzen deiner Glaubigen
mit erleuchtung des Heiligen Geists gelehret/vnd
ein Christliche Gemein versamlet hast/gib vns/das
wir in denselben Geist recht gesinnet seyn/vnd vns
seiner Tröstung allzeit frewen / das er durch sein
krafft vnd beistandt vnser Herzen gnediglich rei
nge/vnd vor allem widerwertigen beschütze / auff

Das dein Gemein keinerley weiß durch anlauff der
 Feind abgefürt/sonder in alle warheit geleitet wer-
 de/als dein Sohn vnser lieber Herz Ihesus Chri-
 stus gnediglichẽ verheissen hat/der mit dir in einig-
 keit desselben Heiligen Geists lebt vnd regirt/ war-
 rer Gott immer vnd ewiglich/Amen.

Trinitatis.

O Allmechtiger/ewiger Gott/der du vns dei-
 nen Dienern auß gnaden geben hast/ in bekantnuß
 des waren Glaubens die Herzigkeit der ewigen
 Dreyfaltigkeit züerkennen / vnd einigkeit gleiches
 Gewalts vnd Maiestat anzübeten/Wir bitten dich/
 verleibe das wir durch beständigkeit solches Glauf-
 bens alzeit bestetigt werden / gegen allen Wider-
 wertigen / durch Ihesum Christum deinen Sohn/
 welcher mit dir in einigkeit des Heiligen Geists lebt
 vnd regiert / wahrer Gott immer vnd ewiglich/
 Amen.

Alia.

Allmechtiger/ewiger Gott/der du vns geleret
 hast/ in rechtem Glauben züwissen vnd bekennen/
 daß du in drey Personen gleicher macht vnd ehren
 ein

ein einiger warer Gott / vnd darfür anzubeten bist/
 Wir bitten dich / du wöllest vns bey solchem Glau-
 ben allzeit fest erhalten / wider alles das dagegen
 vns mag anfechten / der du lebest vnd regirest
 von ewigkeit zu ewigkeit/
 Amen.

E N D E.



Getruckt zu Straßburg / durch
 Christian Müller.

CK

ANNO M. D. LXXIII.

1835432

1835432

einzigste...
...
...
...
...
...

1835432



...
...

R

...
...